





南史識小錄卷十

錢唐沈名孫潤芳秀水朱昆田文益

原輯

後學錢唐張應昌補正

梁列傳

本史補

王茂從武帝東下師次秣陵東昏大將王珍

國盛兵朱雀門梁武軍引卻茂下馬單刀直前外甥

韋欣慶執鐵纏稍翼茂而進大破之茂以元勳賜

鐘磬之樂後在江州夢鐘磬在格無故自墮及覺命

奏樂鐘磬果無故編皆絕墮地茂曰此樂天子所以

惠勞臣也樂既極矣能無憂乎俄而病卒

以上王茂傳

曹景宗父欣之路逢蠻賊數百圍之景宗帶百餘箭

每箭殺一蠻俗梁書景宗為郢州刺史鬻

南史識小錄卷十梁列傳

貨聚斂於城南起宅長堤以東夏口以北開街列門

東西數里歲旱詔祈蔣帝神求雨旬不降帝怒

命載荻欲焚蔣廟并神影將起火當神上忽有雲如

織倏忽驟雨如瀉臺中宮殿皆自振動馳詔追停及

魏軍攻鍾離蔣帝神報勅許扶助既而無雨水長遂

挫敵人凱旋後廟中人馬腳盡有泥溼帝數宴見


功臣道故舊景宗酒後或誤稱下官帝故縱之以為

笑樂以上曹景宗傳齊明帝輔政引夏侯詳及裴叔業日

夜與語詳輒不酬帝以問叔業叔業以告詳詳曰不

為福始不為禍先湘州城南有峻峯舊傳刺史登

此輒代莫敢至詳於其地起臺榭延僚屬以表損挹



之志以上夏侯詳傳夏侯夔爲豫州刺史州積歲連兵人

失業夔於蒼陵立堰溉田歲收穀百餘萬石境內賴

之夔兄亶先經此任至是夔又居尊兄弟並有恩惠

百姓歌曰我之有州頻得夏侯前兄後弟布政優優

夏侯潘驪險薄行刺史貞陽侯明引爲府長史明

在州有四妾章於王阮竝有國色明被魏囚其妾並

還都第譖破第納焉以上夏侯夔傳魚宏西上至江陵逢

敕迎瑞豫王令送像下都宏率部曲數百悉衣錦袍

赫奕滿道魚宏傳吉士瞻夢得一積鹿皮從而數之

有十一領及覺曰鹿者祿也吾當居十一祿乎自其

仕進所莅已九及爲西陽武昌二郡心惡之遂卒於

南史識小錄卷十梁列傳

郡吉士蔡道恭爲司州刺史魏圍司州日急道恭

用四石烏漆大弓射皆洞甲飲羽一發或貫兩人敵

人望弓皆靡道恭病篤取所持節授兄子僧勰曰

稟命出疆旣不得奉以還朝方欲攜之同逝可與棺

柩相隨以上蔡道恭傳李膺有才辨武帝謂曰今李膺何

如昔李膺對曰今勝昔問其故曰昔事桓靈之主今

逢堯舜之君李膺傳馮道根年十三郡召爲主簿不

就曰吾當使封侯廟食安能爲儒吏邪道根領阜

陵城戍初到時修城墮遠斥候如敵將至者衆笑之

曰怯防勇戰此之謂也修城未畢壘壘未固魏軍奄

至道根命開城門緩服登城選精銳二百人出戰敗

之道根能走馬步地計馬足以賦功城隍立辦

武帝指道根示沈約美其口不論勳約曰此陛下之大樹將軍也道根歷處州郡和理清靜爲下所懷

武帝曰馮道根所在能使朝廷不復憶有一州以上馮道

根傳康絢身長八尺容貌絕倫帝使畫工圖絢形遣

中使持以問絢曰卿識此圖否康絢傳張宏策與梁

武幼親狎隨帝遊處每入室嘗覺有雲氣體輒肅然

由此敬異梁武陳計於兄懿曰始安欲爲趙倫形

迹已露蹇人上天信無此理又曰徐孝嗣才非柱

石聽人穿鼻東昏餘黨孫文明等作亂夜燒神獸

門總章觀尚書省雲龍門上御前殿命打五鼓賊謂

南史識小錄卷十梁列傳三

已曉乃散以上張宏策傳張緬年數歲外祖劉仲德曰此

兒非止爲張氏寶方爲海內令名緬居憲司推繩

無所顧望號爲勁直帝令畫工圖形臺省以勵當官

以上張緬傳張纘起家秘書郎時年十七眉目竦朗神

采爽發武帝異之嘗曰張壯武云後八世梁書作八葉有

逮吾者其此子乎秘書郎宋齊以來爲甲族起家

之選居職不數十日便遷任纘固求不徙欲遍觀閣

內書籍裴子野與纘爲忘年之交武帝詔曰纘

外氏英華朝中領袖可尚書僕射纘讓表自出守

股肱入居衡尺可以仰首伸眉論列是非以上張纘傳

大同四年元日舊制僕射中丞坐位東西相當張綰

爲中丞兄纘爲僕射及就列兄弟並尊駟分駟兩塗

梁書作分 前代未有張綰 庾域新野人梁文帝歎

美其才曰荆南杞梓其在斯乎域爲梁州錄事參

軍帶華陽太守魏軍圍南鄭州有空倉數十所域手

自封題指視將士曰此中粟皆滿足支二年但努力

堅守衆心以安以上庾 庾子輿侍父醫藥言淚恆

并庾子 鄭紹叔每爲帝言事善則曰臣愚不及此

皆聖主之策不善則曰臣智慮淺短殆以此誤朝廷

也臣之罪深矣鄭紹叔傳 呂僧珍童時從師學有相工

歷觀諸生指僧珍曰此兒有奇聲封侯相也後爲典

籤知軍事司空陳顯達見而呼坐謂曰卿有貴相後

南史識小錄 卷一 梁列傳 四

當不見滅深曰努力 武帝榮以本州拜南兗州刺

史親戚兄弟在外堂並不得坐指客位謂曰此兗州

刺史坐非呂僧珍牀及別室促膝如故以上呂 齊

豫章王疑爲荊州刺史以樂藹參知州事嘗問城隍

風俗山川險易藹隨問立對若案圖牒 人或譖藹

解門如市疑遣覘之藹方閉閣讀書 長沙王將葬

車府忽於庫失油絡欲推主者藹曰昔管武庫火張

華以爲積油久灰必然殿本考證云久灰關本作萬

書作 今庫若灰非吏罪也檢之果有積灰時稱其博
萬石 藹爲廣州刺史迎姊居官舍三分祿秩以供焉
物 以上樂 樂法才幼與弟法藏俱有美名沈約云法
藹傳

才實才子。法才爲建康令不受奉秩北去將至百

金縣曹啓諭臺庫武帝嘉其清節曰居職若斯可以

爲百城表矣。

還鄉割宅爲寺棲心物表。

以上樂法才傳

雖異帷幄之勳亦贊雲雷之業。論長安平宋武帝

舉酒賜沈田子曰咸陽之平卿之功也卽以咸陽相

賞授咸陽始平二郡太守。沈林子謂檀道濟曰潼

關天岨所謂形勝之地。時諸將破賊皆多其首級

而林子捷書每以實聞武帝問其故曰王者之師本

有征無戰豈可復增張虜獲以示誇詭。蔡興宗爲

郢州引沈約爲參軍記室謂其諸子曰沈記室人倫

師表。齊文惠太子東宮多士約特被親遇每旦入

南史識小錄

卷十梁列傳

五

見景斜方出時王侯到宮或不得進約每以爲言太

子曰吾生平嬾起是卿所悉得卿談論然後忘寢卿

欲我夙興可恆早入。約遭母憂武帝以約年衰不

宜致毀遣中書舍人斷客節哭。約立宅東田爲郊

居賦以序其事。約嘗侍宴有妓婢帥是齊文惠宮

人帝問識坐中客不曰惟識沈家。令約伏地流涕帝

亦悲焉爲之罷酒。謝元暉善爲詩任彥昇工於筆

約兼而有之。約昧於榮利乘時射勢頗累清談

約用事十餘年未嘗有所薦達政之得失唯唯而已。

約病夢齊和帝劍斷其舌乃呼道士奏章於天稱

禪代之事不由已出帝聞譴責約懼遂卒有司諡曰

文帝曰懷情不盡曰隱故改爲隱以上沈

梁武帝

制干文詩

陳書作千字

沈衆爲註解沈衆

傳

范雲六歲讀

毛詩曰誦九紙

雲屬文下筆輒成時人每疑其宿

構雲每陳朝政得失於竟陵王子良子良爲雲求

祿齊武帝曰聞范雲諂事汝對曰雲之事臣動相箴

諫諫書存者百有餘紙帝索視之咨嗟良久曰不意

范雲乃爾雲使魏魏使李彪爲設甘蔗黃甘粽

初梁武卜居東郊之外雲亦築室相依梁武每至雲

所其妻常聞蹕聲又嘗與梁武同宿顧嵩之舍嵩之

妻方產有鬼在外曰此中有王有相雲起曰王當仰

屬相以見歸因是盡心推事雲嘗侍宴帝謂臨川

南史識小錄

卷十梁列傳

六

王宏鄱陽王恢曰我與范尚書少親善申四海之敬

今爲天下生此禮既革汝宜代我呼范爲兄帝與

雲言及舊事云布衣時嘗夢拜兩舊妾爲六宮有天

下此姬已卒所拜非復其人恆以爲恨

孫康

伯翳父

貧嘗映雪讀書

以上范雲傳

胡景略與趙祖悅同軍不

和景略怒向齧其齒齒皆流血韋叡晝接客旅

夜算軍書三更起張燈達曙撫循其衆常如不及

魏圍昌義之於鍾離叡援之於邵陽洲大敗魏軍遣

報義之義之且悲且喜不暇答但叫曰更生更生

帝遣周捨勞軍叡積所獲於軍門捨觀之曰君此獲

復與熊耳山等矣

叡曰爲將當有怯時

梁書時字下有不可

事去

叡所得祿賜皆散之親故居家無事慕萬石

陸賈之為人因畫之於壁以自玩

以上章叡傳

章粲累

遷右衛率領直頗擅權誕倨不為時輩所平右衛朱

异嘗於酒席厲色謂粲曰卿何得已作領軍面向人

聞侯景作亂倍道赴援至豫章就內史劉孝儀共

謀之孝儀曰必如此當有敕安可輕信妄動時孝儀

置酒粲以杯抵地曰賊已渡江便逼宮闕假令無敕

豈得自安章粲今日何情飲酒

以上章粲傳

章載年十

二見沛國劉顯顯問漢書十事隨問應無疑滯載

以疾去官有任在白山遂築室而居异絕人事不入

籬門者幾十載以上章傳

章鼎明陰陽逆刺尤善相

南史識小錄卷十

七

術章鼎傳

章鼎為太僕卿而兄子粲為左衛率黯快

快謂人曰章粲已落驛驪前朝廷是能育才否

章黯傳

裴邃志立功遠垂不願閑遠左遷始安太守致書

呂僧珍曰昔阮咸頗延有二始之歎吾才不逮古人

令為王始非其願也

魏壽陽守將挑戰邃為四甄

以待之魏眾大敗

以上裴邃傳

裴邃廟在光字寺西堂

宇宏敞松柏鬱茂范雲廡在三橋蓬蒿不剪梁武道

經二廟歎曰范為已死裴為更生

裴之禮傳

襄陽人開

古冢得竹簡古書字不可識王僧虔亦不能語直云

似是科斗書江淹以科斗字推之則周宣王之簡也

淹少帝初兼御史中丞明帝作相謂曰今為南司

足以振肅百僚也。淹於是彈謝朓。王績。庾宏遠。及刺史劉俊。陰智伯等。內外肅然。明帝曰。自宋以來。不復有嚴明中丞。君今日可謂近世獨步。淹謂子弟曰。吾本素官。不求富貴。今功名既立。正欲歸身草萊耳。

淹嘗欲為赤縣。經以補山海之缺。竟不成。以上江淹傳

任昉八歲製月儀。辭義甚美。褚彥回謂昉父遙

曰。聞卿有令子。所謂百不為多。一不為少。王儉每

見其文。必三復。殷勤以為當時無輩。儉令昉作文

及見曰。正得吾腹中之欲。儉出自作文。令昉點正

歎曰。後世誰知子定吾文。永元中。昉紆意於梅蟲

兒。東昏中。旨用為中書郎。謝尚書令王亮亮曰。卿宜

南史識本錄卷十梁列傳八

謝梅。那忽謝我。昉慙而退。昉好交結。得其延譽者

多。見升。擢坐客。恆有數十。時號曰任君。言如漢之三

君也。昉卒。殷芸與到。概書曰。哲人云亡。儀表長謝

元龜。何奇。指南。何託。以上任昉傳王僧儒七歲能讀十

萬言。竟陵王子良開西邸。招文學僧儒。與徐夔俱

為學林。梁武問僧儒妾媵之數。對曰。臣室無傾。視

及在南徐州。友人以妾寓之行。還妾遂懷孕。為典籤

所糾。免官。侍郎金元起。欲注素問。訪以砭石。僧儒

答曰。古人嘗以石為針。必不用鐵。說文有此砭字。許

慎云。以石刺病也。東山經。高氏之山。多針石。郭璞云

可以為砭針。春秋。美疾不如惡石。服子慎註云。砭石

也季世無佳石以錄代之爾 僧儒聚書萬餘卷卒

多異本其文麗逸多用新事人所未見者 以上王僧儒傳

傳昭為安成內史郡多猛獸為害常設檻穽昭曰人

不害猛獸猛獸亦不害人命去檻穽竟不為害 遷

臨海太守郡有蜜巖前後太守封固專其利昭教勿

封縣令餉粟置絹於簿下昭笑而還之 子婦嘗得

家餉牛肉以進昭昭召其子曰食之則犯法告之則

不可取而埋之 以上傳 孔休源舉秀才太尉徐孝

嗣省其策曰董仲舒華令思何以尚此可謂後生準

的 休源遷御史中丞正色直繩無所回避 以上孔休源傳

江革少孤貧無師友兄弟自相訓誨 帝惑於佛

南史識小錄 卷十 梁列傳 九

教朝賢多啓求受戒革精信因果而帝未知謂革不

奉佛法賜革覺意詩五百字革因乞受菩薩戒 以上江革傳

徐勉領太子中庶子侍東宮昭明太子勅知宮

事嘗於殿講孝經臨川王宏尚書令沈約備二傳勉

與國子祭酒張充為執經王瑩張稷柳澄王暕為侍

講時選極親賢妙盡人譽 勉戒子書釋氏以財物

為外命 汝既居長凡為人長殊復不易當使中外

咸縮人無間言 勉第二子排卒痛悼甚至不欲久

廢正務乃為答客以自喻焉 普通末勉祿奉之外

月別給錢十萬 勉骨鯁不及范雲亦不阿意苟合

梁世之相稱范徐云 以上徐勉傳 許懋明故事稱為儀

註學許愨傳

殷鈞為秘書丞校定秘閣四部書更為

目錄又料檢西省法書古迹列為品目鈞尚武帝

永興公主憎鈞形貌短小鈞不勝怒而言於帝帝以

屣如意擊主碎於背鈞為臨川內史郡舊多山瘡

更暑必動自鈞在任郡境無復瘡疾以上殷鈞傳陳慶

之禦魏元天穆軍慶之麾下悉著白袍所向披靡洛

中謠曰名軍大將莫自半千兵萬馬避自袍自發鈞

縣至洛陽十四旬平三十二城四十七戰所向無前

梁世寒門達者惟慶之與俞藥藥初為武帝左右

帝謂曰俞氏無先賢世人云俞錢非君子所宜改姓

喻藥曰當令姓自於臣以上陳慶之傳陳昕七歲能騎射

南史識小錄

卷十梁列傳

十

年十二詣朱异异訪北間事昕聚士畫城指麾分

別以上陳賀琛築室郊郭之際茅茨數間講授禮

學吐言辯絮到溉為湘東王彭城行事聞琛美名命

駕相造會琛正講學侶滿筵上佐忽來莫不傾動琛

說經無輟曾不降意溉就席便申問難往復從容義

理該瞻溉歎曰通儒碩學復見賀生賀琛傳朱异涉

獵文史博奕書算皆長沈約戲曰卿年少何乃不廉

异遂巡未達其旨約曰天下惟有文義基書卿一時

將去可謂不廉也异居權要三十餘年歷官自員

外常侍至侍中四官皆珥貂自右衛率至領軍四職

並驅鹵簿近代未有异及諸子自潮溝列宅至青

溪。其中有臺池翫好暇日與賓客游焉。性吝嗇廚

下珍羞恆腐爛每月常棄十數車。雖諸子別房不分

贍以上朱顧協年數歲游虎邱山外從祖張永撫

之曰兒欲何戲曰兒政欲枕石漱流永歎曰顧氏興

於此子張率薦協於帝問協年率言三十有五帝

曰北方高涼四十彊仕南方卑溼三十已衰如協便

為己老協為舍人有門生知其廉潔不敢厚餽止

送錢二千協怒杖二十因此事者絕於饋遺少時

聘舅息女未昏而協母亡免喪後不復娶年六十餘

此女猶未他適協義而迎之晚雖判合卒無肩嗣上

願協帝謂徐摛曰新安大好山水任昉等竝經為

傳之卿為我臨此郡徐摛慧雲法師嗟徐陵早就謂

之顏回朝議北侵舉元帥陵舉吳明徹良將裴忌

良副詔明徹為大都督忌監軍事遂剋淮南數十州

地陳宣帝置酒舉杯屬陵曰賞卿知人陵年老求

致仕宣帝詔將作為造大齋令就第攝事後主為

文示陵云他人所作陵曰都不成辭句後主銜之陵

卒謚為章偽侯陵建昌封戶送米至召貧置親戚

皆令取焉陵家致乏絕人詢之陵云我有車牛衣服

可賣餘家可賣不文宣之時國家有大手筆必

命陵草之其文頗變舊體緝裁巧密多有新意以上

傳徐孝克為都官尚書都官首年代久遠多鬼怪

南史識小錄卷十梁列傳

十一

每夜昏無故有聲光。或見人著衣冠從井中出。或閉閣自然開閉。居多死亡。孝克居之。經兩載。祲變皆息。

孝克性清素。好施惠。不免飢寒。後主敕以石頭津。稅給之。孝克悉用。設齋寫經。隨盡。孝克臨終。念佛

室內。有非常香氣。以上徐孝克傳鮑泉嘗夢著朱衣。行水上。後為侯景殺。帶血而沈於江。如其夢。鮑泉傳王神

念所歷州郡。必禁淫祠。青州東北石鹿山神廟。祲巫欺惑百姓。毀撤之。王神念傳王僧辯討侯景。進師尋陽。

軍人多夢。周何二廟神云。吾已助天子討賊。自稱征討大將軍。並乘朱航。俄而反。曰。已殺景。湘州賊陸

納為亂。時天日清明。初無雲霧。軍發之際。忽然風雨。南史識小錄卷十梁列傳

時人謂為泣軍。知其敗也。梁元帝時。有兩龍自城西江中升天。父老相謂曰。龍已去。國其亡乎。以上王僧

辯傳侯景遣傅士哲呼羊侃與語。士哲曰。願去戎服。得一相見。侃為免胄。士哲瞻望久之而去。大雨城

內土山崩。賊乘之。侃令多擲火為火城。以斷其路。侃善音律。自造采蓮棹歌。兩曲有新致。以上羊侃傳侯

景圍王僧辯於巴陵。元帝命胡僧祐援之。將發。謂其子玘曰。汝可開朱白二門。吾不捷則死。吉則由朱。凶

則由白。胡僧祐傳陰子春為東莞太守。時青州石鹿山臨海神廟為刺史王神念所毀。當坐棟上有一大蛇。入海。爾夜子春夢見神云。有人見苦破壞宅舍。欽若

厚德欲聽此境子春因辦性醜請召安致一處復夢一朱衣人辭謝云得君厚惠當以一州相報後以功

授南青州刺史陰子春傳陳文帝宴羣臣賦詩召陰鏗

預宴使賦新成安樂宮援筆便就陰鏗傳王琳體貌

閑雅立髮委地王琳傳

名書補 穎胄風格峻遠器寓深邵蕭穎達傳鄧元起為

益州刺史過江陵迎其母母不肯出曰貧賤家兒忽

得富貴詎可久保我當死不能與汝共入禍敗鄧元起傳

章劄曰賊至城下方復求軍臨難鑄兵豈及馬腹

章劄傳 叙弟愛篤志好學每虛室獨坐遊心墳素埃

塵滿席寂若無人章愛傳 范雲幼嘗就袁照學照撫

南史識小錄卷十深列傳 十三

其背曰卿精神秀朗而勤於學卿相才也 追贈詔

脫巾來仕變務登朝以上范雲傳 沈約與徐勉書言病

曰外觀旁覽尙似全人而形骸力用不相綜攝 上

熱下冷月增日篤取煖則煩加寒則利 郊居賦思

依林而羽戢願託水而鱗藏 風除雨攘 隄龍顏

之鬱池乃憑風而矯翼指皇道而南轅駕修衢以騁

力 誅茅翦棘 甯方割於下墊廊重氛於上慘

牢籠媯夏驅馳軒頊 王猷如玉 關重扃於華閭

編霜蒨葺寒茅 因犯檐而刊樹由妨基而翦巢

藝芳枳於北渠樹修楊於南浦遷甕牖於闌室同

肩牆於華堵織宿楚以成門藉外扉而為戶既取陰

於庭樾又囚籬於芳杜 石衣海髮黃荇綠蒲

水草

紫髓綠蔬鴈齒廉舌牛脣篔首陸 紛披蒼鬱吐綠

攢朱羅窗映戶接雷承隅 抽紅英於紫蒂銜素藥

於青跗 楚雀多名流嘍雜響斑尾綺翼綠袷絳頰

鳥 大鴻小鴈 秋鷺寒鷗修鷁短鳧 翅抔流而

起沫翼鼓浪而成珠禽 赤鯉青魴纖鱗巨鱧碧鱗

朱尾脩鱗偃頤小則戲清成文大則噴流揚白魚

秋蛸吟葉寒雀噪枝來風南山之下負雪北堂之垂

竹 緯東菑之故稻浸北畝之新渠 路紫吳而款

越 或列席而賦詩或班酌而宴語 風臺累葉月

榭重榭千櫨捷磔百棋相持 阜轅林駕蘭柁水嬉

南史識小錄 卷十 梁列傳

十四

喬枝拂日石堆星千丈萬仞三襲九成素煙晚帶

白霧晨縈近循則一巖異色遠望則百嶺俱青謂鍾

結榛巖根開櫺木末 晚樹開花初英落蘂 風

騷屑於園樹月籠連於池竹 冰懸炤而帶坻雪縈

松而被野 鴨屯飛而不散鴈高翔而欲下 託情

魚鳥歸閑蓬壺以上沈 任昉奉牋高帝咳唾為恩

眇睠成飾任昉 齊高帝輔政勅謝朓與褚炫江斲

劉侯俱入待宋帝號天子四友按南史褚炫傳 高

祖表請謝朓何焄曰羽儀世胄徽猷冠冕道業德聲

康濟雅俗 風塵擺落 家膺鼎食而甘茲稼艾世

襲青紫而安此懸鶉 澹流素軌 思挹情源翼官

寡薄以上謝

脚傳

任功彈范鎮曰不有嚴裁憲准將頽

誇諾里落弄口鳴舌

以上王亮傳

始安王遙光薦異

士表隱鱗卜祝藏器屠沽勢門上品英俊下僚

項邪王暎神清氣茂允迪中和居無塵雜室邇

人曠物疎道親以上王暎傳

張充與王儉書稱吳國男

子張充致書於琅邪王君侯侍者張充傳

徐勉表滌

上掩中之儒負笈懷鉞之彥化穆三雍人從五典

子排卒為答客喻曰春榮秋落生寄死歸翰飛

東朝參伍盛列以上徐勉傳

徐勉傳

動師古始提衡端軌論

任昉報陸倕文彼白玉之雖潔此幽蘭之信芳時

坐睡而梁懸裁枝梧而錐握心照情交陸纘十

南史識小錄

卷十梁夙傳

十五

歲通經為童子奉車郎以上陸倕傳

昭明太子文文該

四始學遍九流高情勝氣貞然直上以上到洽傳

鈞居喪過禮昭明太子手書誠喻曰知哀頓為過所

進殆無一溢甚以酸耿宜微自遣割鈞答曰稟生

匪劣頃者綿微守盡晷漏目亂元黃心迷哀樂以上

殷鈞傳

裴子野晉太子左率康八世孫兄黎弟楷紳

竝有盛名所謂四裴也范縝讓國子博士與裴子

野表子野幼稟至人之行長厲國士之風性不憚憚

情無汲汲追贈詔文史足用廉白白居以上裴子野傳

湘東王薦顧協表貢王之士歸之澗山論珠之人出

於枯岸是以芻蕘之言擇於廊廟者也顧協傳

義師

起袁昂不受命答高祖書所以躊躇未遑薦璧追

贈詔端朝變理嘉猷載緝以上袁昂傳始安王遙光表

薦王僧孺曰筆耕為食傭書成學編蒲緝柳僧

孺逮詣南司奉牋辭府曰下官既貶疵辱方致微繩

解籙收簪董生偉器止相驕王賈子上才爰傳

鼻土假翼西雍竊步東閣多慙衽服取亂長裾

高榻相望直居坐右長階如畫獨在僚端離腸墮

首露膽披誠顧步高軒悲如霞委踟躕下席淚若

縷縻又與王府記室何炯書抗手分背素鐘肇

節金飈戒序子雲筆札元瑜書記離大辱蹈明

科高價厚名橫叨公器久為尺板斗食之吏以

從皂衣黑綬之役執圭裂壤直以章句小才蟲

篆末藝含吐細縹之上翻遷樽俎之側委曲同之鍼

縷繁碎讟之米鹽除舊布新清晷方旦抱樂銜

圖訟謳有主又非同席共硯之風逢筍餌卮酒之

早識一旦陪武帳仰文陛備賄佚之柱下充嚴朱

之席上據操嶽之雄官基薄牆高塗遙力墮

福過災生人指鬼瞰譬縣廚之獸將充庖鼎加

肉朽齒布葉枯株輟薪止火所謂還魂斗極追

氣秦山除名為民幅巾家巷外無奔走之友內

乏強近之親况復霜銷草色風搖樹影寒蟲夕叫
秋葉晚傷俛眉事妻子舉手謝賓遊方與飛走為

南史識小錄卷十梁列傳

隣永用蓬蒿自汲 豈復得與二三士友履足羞肩

擣綺製之清文談希微之道德 去矣何生高樹芳

烈以上王 曾孺傳 河南國獻舞馬詔張率賦之曰先景遺

風之美吐圖騰光之異 日入之所浮琛委贄風被

之域越險效珍 河龍瑞唐天馬禎漢 種北唐之

絕類嗣西宛之鴻胥 超六種於周閑踰八品於漢

廐 挾尺縣鑿之辨附蟬伏兔之別十形五觀之姿

三毛八肉之勢 清輦道于上林肅華臺之金座

綠苞紫裏謂春日 草木 儀禽唐序舞獸虞庭 擢龍首

回鹿驅睨兩鏡蹙雙鳧既就場而雅拜時赴曲而徐

趨 婉香投頤免膺合雅 露沫歆紅沾汗流赭

無逸御於玉軫不泛駕於金輿以上張 率傳 世祖與劉

孝綽書君屏居多暇肆意典墳吟詠情性想摛屬之

興益當不少 夢想溫玉飢渴明珠 孝綽答書退

居素里卻掃窮閑 孝綽謝高祖啓漏斯密網免彼

嚴棘 剛條落葉忽沾雲露 捕影繫風 又謝東

宮啓曲筆短辭 在縲嬰纏以上劉 孝綽傳 沈約報王筠

書覽所示詩實為麗則聲和被紙光影盈字 古情

拙目每侍新奇 蘭揮玉振 遲此閑日清觀乃申

以上王 筠傳 昭明太子書文筵講席朝遊夕宴 摧苗

落穎以上張 綱傳 張纘南征賦人之寓於宇宙也何異 夫栖蟪之爭戰附蚋之遊禽 振長纓於承華眷儲

皇之上。叡居銜觴而披席。出方舟以同濟。宵盤晝
憩。簞裘代用。逢濯纓之嘉運。遇井汲之明時。

猶深泉之短綆。降五靈之休祉。發曉渚而遡風。

苦神吳之難習。青嶺赤岸。控汝引潮。界飛流於

翠薄。耿長虹於青霄。奇甲異鱗。雕文絳羽。靈胥

浩蕩。洞旋也。蕩雲沃日。下車入部。班條理務。蘇

生騎龍而出。入處靜駕。鹿以周旋。配北燭之神女。偶

南榮之倥傯。風瑟瑟以鳴松。水琤琤而響谷。低

四照於若華。凍千尋於建木。涼風暮節。萬寶酉成。

華池迥遠。飛閣淒明。以上張續傳魏正始及晉之中朝。

俗尚元虛。貴為放誕。逮乎江左。此道彌扇。宋王敬宏

南史議小錄卷十一梁列傳身居端右。未嘗省牒。風流相尚。其流遂遠。望白署空。

是稱清貴。卷三十一論賀琛陳事啓。食前方丈。所甘

一味。今之燕喜。相競誇豪。積果如山。岳列肴同。綺繡

露臺之產。不周一讌之資。而賓主之間。裁取滿腹。未

及下堂。已同臭腐。宴酣所費。既破數家之產。歌謠

之具。必俟千金之資。所費等邱山。為歡止俄頃。以

消素為先。正雕流之弊。斗筭之人。藻稅之子。下

尺勤惰。曲屋密房之中。云何可知。亂羊永除。害馬

長息。以上賀琛傳志等松筠。心均鐵石。羊鴉仁傳論時以

漉洽兄弟。比二陸。故世祖贈詩曰。魏世重雙丁。晉朝

稱二陸。何如今。雨到復似凌。寒竹到漈。王褒著幼。

訓 元冬脩夜。朱明永日。門無綵雜。坐闕號呶。道

家離形去智。釋氏見苦。斷習。明因辨果。偶凡成聖。上

王規子褒傳 按李延壽書王褒傳入北史卷七十一。褚向風儀端麗。眉目如

黠。謝舉製向墓銘。酒歸月下。風清琴上。以上褚翔傳

侯景軍至荊州城下。肉薄苦攻。賊攻巴陵。水步十

處鳴鼓吹脣。入討景誓文。陵賊朝廷。鋸牙郊向。剗

肝。割趾。曝背。焚屍。忍毒皇枝。窮刀極組。食人之

禾。飲人之水。瀝膽抽腸。稟靈含識。賊以鵠舫

千艘。載土兩邊。悉入十棹。棹手皆越人。捷過風電。僧

辯退細船。使夫艦夾泊兩岸。截其歸路。褒僧辯詔

學貫九流。武該七略。王哀撰僧辯母魏太夫祭文

南史識小錄 卷十 梁列傳 十九

金相比映玉德。齊溫高洋與僧辯書。臣子之情。念

當鯁裂。鳩勒勁勇。并心一方。以上王僧辯傳

陳宗室諸王列傳

慧紀遣南康太守呂肅將兵據巫峽。以五條鐵鎖橫

江。拒隋將楊素。宜黃侯 叔陵夜嘗不臥。執燭達曉

呼召賓客。說人間細事。叔陵修飾虛名。每入朝。嘗

於車中馬上。執卷讀書。高聲長誦。陽陽自若。歸坐齋

中。或自執斧斤。為沐猴百戲。以上始興王叔陵傳 叔堅好數

術。卜筮風角。鎔金琢玉。竝究其妙。長沙王 叔堅

本史補 慧紀與隋將楊素戰。爭馬鞍山。及磨刀澗。守險。隋軍死者五千餘人。陳人盡取其鼻。以求功賞。宜黃

侯慧 軍人於丹徒發晉郗曇墓大獲晉右將軍王

羲之書及諸名賢遺跡 陳初六門之外有別館為

諸王冠昏之所名為昏第 以上始興王伯茂傳 伯固生而龜

胸目通睛揚白 為南徐州刺史日出田獵或乘眠

輿至於草間 新安王伯固傳 叔陵好遊冢墓間遇有瑩表

主名可知者輒發掘取其石誌古器竝骸骨肘脛持

為玩弄藏之府庫 以上始興王叔陵傳 叔堅與叔陵各爭權

寵朝會鹵簿不肯為先後必分道而趨或爭道而鬪

長沙王叔堅傳

陳書補 隋行軍總管韋洸度嶺高梁女子浩氏舉兵

應之 南康王曇朗子方慶傳 獻愨二王聯華霄漢 衡陽王昌南康王曇

南史識小錄 卷十 陳宗室諸王列傳 二

朗傳 高祖詔維城宗子磐石懿親 宗室擬傳 世祖詔

封樹枝戚 尚書奏伯茂玉映鱗辰 藹芬綺歲清眸

美譽日茂月升雖珪社是膺而戎章未襲 請加戎號佐史也

以上始興王伯茂傳 尚書奏發睿德於齟年表岐姿於卅日

光昭丹掖輝映青闈 鄱陽王伯山傳 風采德器一代令藩

論

陳列傳

臺遣盧子雄討李賁時春草已生瘴癘方起子雄請

待秋討之 杜僧明傳 周文育本姓項名猛奴年十一能

反覆遊水中數里 周宏讓教文育書計寫蔡邕勸

學及古詩以遺之文育不之省謂宏讓曰誰能學此

取富貴。但有大槩耳。文育至大庾嶺詣卜者卜者

曰君北下不過作令長南入則為公侯。文育曰足錢

便可誰望公侯。以上周文育傳周寶爰以貴公子驕蹇逸

遊好狗馬樂驅馳靡衣媮食。周寶支傳太建五年大舉

北侵黃法甄為都督為拋車。拋陳書支傳及步艦豔拍以

逼之。黃法甄傳吳明徹幼孤性至孝年十四感墳塋未

修家貧無以取給乃勤力耕種時天下亢旱苗稼焦

枯明徹哀憤每之田中號哭仰天自訴居數日苗已

更生。秋而大穫足充葬用。時有伊氏者善占墓謂

其兄曰君葬日必有乘白馬逐鹿者經墳此是最小

孝子大貴之徵明徹其父之小子也。以上吳明徹傳周鐵

南史識小錄卷十陳列傳武帝受禪時令沈恪勒兵衛敬

帝如別宮恪叩頭謝曰恪身經事蕭家來今日不忍

見此事分受死耳決不奉命。沈恪傳孫瑒出鎮鄂州

合十餘船為大舫於中立亭池植荷菱每良辰美景

賓僚並集泛長江而置酒瑒卒江總為之銘誌後

主又題銘後四十字其詞曰秋風動竹烟水驚波幾

人樵徑何處山阿今時日月宿昔綺羅天長路遠地

久靈多功臣未勒此意如何。以上孫瑒傳徐世譜從陸

法和與侯景戰於赤亭湖造樓船拍艦火舫水車以

益軍勢。徐世譜傳周迪素無簿閱。周敷傳魯廣達被執

入隋追槍本朝淪覆邁疾不療卒江總撫柩慟哭乃

命筆題其棺頭為詩曰黃泉雖抱恨白日自留名悲君感義死不作負恩生

晉廣達傳

齊遣大將尉破胡率

衆十萬援秦郡其前隊有蒼頭犀角大力之號皆身長八尺膂力絕倫其鋒甚銳又有西域胡妙於弓矢

弦無虛發衆軍尤憚之吳明徹謂蕭摩訶曰若殪此

胡則彼軍奪氣君有關張之名可斬顏良矣摩訶曰

願得識其形狀明徹乃召降人有識胡者云胡絳衣

樺皮裘弓兩端骨珥明徹遣人規知胡在陣酌酒飲

摩訶摩訶飲訖馳馬衝齊軍胡挺身出陣前十餘步

發弓未發摩訶遙擲銑正中其額應手而仆

蕭摩訶傳

蕭世廉以父摩訶凶終終身不執刀斧

蕭世廉傳

隋

南史識小錄卷十陳列傳

三

兵濟江任忠曰宜固守臺城給臣精兵一萬金翅三

百艘下江徑掩六合後主不能從明日歛然曰腹煩

殺人喚蕭郎作一打忠叩頭苦請勿戰不聽

任忠傳

武帝崩外有強寇內無重臣宣后用蔡景歷計秘不

發喪時既暑熱須營梓宮恐斤斧之聲聞外乃以蠟

爲秘器

蔡景歷傳

合州刺史陳褒贖汗狼籍遣使就渚

斂魚又於六郡乞米

宗元饒傳

沈炯於魏克荊州被虜

以母在東恆思歸國嘗獨行經漢武通天臺爲表奏

之陳已思鄉之意曰臣聞橋山雖掩鼎湖之竈可祠

有魯遂荒大庭之跡無浪伏惟陛下降德猗蘭纂靈

豐谷漢道既登神仙可望射之采於海浦禮日觀而

稱功橫中流於汾河指柏梁而高晏何其樂也豈不
然歟既而運屬上仙道窮晏駕甲帳珠簾一朝零落
茂陵玉盃遂出人間陵雲故基共原田而臙臙別風
餘跡帶陵阜而芒芒羈旅縲臣能不落淚昔承明既
厭嚴助東歸駟馬可乘長卿西反棊間故實竊有愚
心黍稷非馨敢忘微福但雀臺之弔空愴魏君雍邱
之祠未光夏后瞻仰煙霞伏增悽戀奏訖其夜夢有
宮禁之所兵衛甚嚴聞有人言甚不惜放卿還少日
便獲東歸

沈炯傳

大同中嘗驟雨殿前往往有雜色

寶珠虞寄因上瑞雨頌帝謂寄兄荔曰此頌典裁清

拔卿之士龍也陳書卿下有字虞寄諫陳寶應書天綱

南史識小錄卷十陳列傳

三

再張地維重紐又析珪判野南面稱孤被堅執

銳繫馬埋輪以上虞寄傳傅縡強直有才而毒惡傲慢

爲當世所攻及死有惡蛇屈尾來上靈床當前受祭

爵去而復來者百餘日時時有彈指聲傅縡傳姚察

居黜要一不交通有門生餉南布一端花練一疋察

謂曰吾所著止是麻布蒲練此物於吾無用姚察傳

顧姚栖託藝文謂顧野王姚察也

論

本史補陳武帝拒徐嗣徽於白城與周文育會將戰

風急帝曰矢不逆風文育曰事急矣當決之何用古

法初文育之據三陂有流星墮地聲如雷地陷方

一丈中有碎炭數斗又軍市中忽聞小兒啼聽之在

土下掘之得棺文育惡之俄而見殺以上周文育傳侯安

都待宴驕慢宴訖啓借供張水飾將載妻妾於御堂

飲會帝雖許而不憚侯安都傳黃法甄少勁捷有膽力

日步行二百里能距躍三丈黃法甄傳章昭達少時遇

相者曰卿貌須小虧則當富貴後因醉墮馬鬢角小

傷昭達喜之相者曰未也侯景之亂爲流矢所中眇

其一目相者曰卿相善矣昭達討周迪定閩中以

功授鎮軍將軍開府儀同三司初文帝嘗夢昭達升

台鉉及旦以夢告之至是侍宴酒酣顧昭達曰卿憶

夢不何以償夢歐陽紇反詔昭達征之紇出頓淮

口聚沙石盛以竹籠置水柵外用楫舟艦昭達居上

南史識小錄卷十陳列傳流襄艦臨賊柵令人銜刀潛行水中斫竹籠籠篋皆

解縱大艦突之大敗紇昭達每飲食必盛設女伎

雜樂備羌胡之聲雖臨敵弗廢昭達傳既眇而貴

亦黥而王又論指昭達遇相者事黥布事用莫書武帝謀誅王僧辯

引杜稜與侯安都等共議稜難之武帝懼其泄乃以

手中綫稜悶絕於地因閉於別室杜稜傳程文季

每戰齊軍憚之謂爲程彪彪陳書作虎南史避唐諱也程文季傳孫

場於山齋設講肆集元儒之士孫場有鑒識男女昏

姻皆擇素貴以上孫場傳周昞隨吳明徹北討所向克

捷一月中獲十二城周昞傳隋軍進鍾山賀若弼躬

當魯廣達麾下戰死者二百七十三人弼縱烟以自

隱蕭駟傳

梁氏云季運屬雲雷陳武帝杖旗掃難

持百心而事二主以上論韓子高年十六為總角容

貌美麗似婦人事文帝恆執備身刀及傳酒炙稍長

習騎射有膽決願為將帥帝愛之未嘗離左右帝

嘗夢騎馬登山路危欲墮子高推捧而升以上韓子高傳

希祥勞臣之子論謂蔡景歷子徵也沈炯為侯景將宋子仙

書記子仙敗王僧辯素聞其名軍中購得之酬所獲

者錢十萬自是羽檄軍書皆出於炯陳武帝加炯

通直散騎常侍求歸養不許文帝嗣位又表求去詔

答曰當敕所由相迎尊累使卿公私無廢也以上沈炯傳

虞荔年九歲侯太常陸倕倕問五經十事荔對無

南史識小錄卷十陳列傳

五

遺失荔感疾帝欲數往臨視令將家口入省荔以

禁中非私居之所乞停城外帝不許乃令住蘭臺乘

輿再三臨問以上虞荔傳虞寄年數歲客有造其父遇

寄於門嘲曰郎子姓虞必當無智寄應聲曰文字不

辨豈得非愚客謂其父曰文舉之對不是過也梁

武見寄所上頌將擢用寄聞之歎曰吾豈買名求仕

者乎乃閉門稱疾陳寶應將有異志令人讀漢書

至蒯通說韓信相君之背貴不可言乃大稱嘆寄曰

覆酈驕韓豈若班彪王命識所歸乎寄慮寶應禍

及己為居士服常居東山寺稱疾寶應以為假託使

燒寄臥室寄安臥不動親近將扶出寄曰吾命有所

懸避欲安往所縱火者旋自救之寄篤行閭里言
誓為約者但指寄便不欺以上虞壽傳 傳緯從興皇寺

慧明法師受三論緯獄中上書極諫後主大怒頃

之稍解使謂曰我欲赦卿卿能改過否對曰臣心如

面臣而可改則臣心可改遂賜死以上傅緯傳 顧野王

九歲制日賦朱异奇之宣城王於東府起齋令野

王畫古賢王褒書贊人稱二絕以上顧野王傳 姚察為通

直散騎常侍報聘於周沛國劉臻就訪漢書疑事十

餘條竝為剖析皆有經據臻曰名下定無虛士隋

文帝曰姚察學行當今無比我平陳惟得此一人

文帝知察蔬菲召入內殿賜果菜察讀一藏經竟

南史識小錄卷十陳列傳 三

將終曾無痛癢但西向坐念云一切空寂其後身體

柔軟顏色如恆以上姚察傳

陳書補以吳明徹為車騎大將軍詔月陣雲梯金湯

至險進司空詔交鋒作鼓追卹詔百戰百勝之

奇決機決死之勇覆勅寇如舉毛掃銳師同沃雪

以上吳明徹傳 章昭達與世祖鄉壤惟舊義等鄧蕭草昭達傳

論周敷遇害詔曰敷受任遐征淹時違律虛矜

姦詭遂貽喪身可存其茅賦以上周敷傳 識運知歸

因機景附位升列收爵致通侯論 蔡景歷答高祖

書蒙降札書曲垂引逮伏覽循回載深欣暢邊亭

臥鼓行旅路宿接踵披衿帝室英賢貴遊令望

齊楚秀異荆吳岐嶷 猛氣紛紜雄心四據 三河

辯客六奇謀士 片詞從理謂折 量能校實具行

方止 衡門衰素無所聞達薄官輕資焉能遠大

欲以雞鶩廁鴛鴻將移瓦礫參金碧 折脅遊秦擔

簞入趙 眇眇纖蘿憑喬松以自聳蠢蠢輕蚘託驂

尾而遠鶩以上蔡景懋傳 喪服議總帷靈房蘆箔草廬

豈見門生故吏納穀問趨左姬右姜紅紫相揉 耀

金在列鳴玉節行以上劉師知傳 早識攀附預絲播之臣

論 王勣襟神夷澹袁樞端操沈冥 論 韋翹遷驍

騎將軍領朱衣直閣驍騎之職舊領營兵兼統宿衛

自梁以來其任逾重出則羽儀清道入則與二衛通

南史識小錄 卷十 陳列傳

三

直臨軒則升殿挾侍翹素有名望每大事恆令俠侍

左右時入榮之號曰俠御將軍韋翹傳 沈炯請歸養

表臣年將六十湯火居心 悽悽之祈轉忘塵觸

詔答曰馮親入舍苟母從官用覩朝榮不虧家禮上

傳 沈炯 虞荔顧協但以文史見知當時號為清白

高祖遺荔書想必副朝廷虛遲也 文帝又與書自

應翰飛京許共康時弊以上虞荔傳 詔曰到仲舉庸力

小才到仲舉傳 華皎為荊州刺史文帝以湖州出杉木

舟使皎營造大艦金翅等二百餘艘華皎傳 韓子高

華皎餅簪小器輿臺末品 論 嘗諤在公英颺振俗

孔奂 牙母智深先覺符柏谷之禮駱牙傳論 按

臨安牙母陳觀世祖儀

世祖令太子諸王趨步臨

表知非常人賓待甚厚

陸籍傳

履履敦脩局宇詳正

沈君理王場

與南史文異

周宏正上梁武帝啓冰谷寘懷罔識

攸厝 追贈詔辭林義府國老民宗道映庠門望高

禮閣

按宏正僕射領國子祭酒以上周宏正傳

徐陵爲魏拘留致僕

射楊遵彥書情計馳惶公私哽懼昔分鼈命鳳之

世觀河拜洛之年則有日鳥流災風禽騁暴盛旱圻

三川長波含五嶽

謂堯湯水旱

我大梁應金圖而有亢

纂玉鏡而猶屯虞夔附石晉曠調鐘未足頌此英

聲無以宣其盛德商王徙雍朞月爲都姚帝遷河

周年成邑越裳藐藐馴雉北飛蕭脊茫茫風牛南

南史識小錄

卷十陳列傳

三

偃 錯錯曉漏的的宵烽隔激浦而相聞臨高臺而

可望 郢中上客雲聚魏都鄴下名卿風馳江浦

侯景凶逆人懷憤厲四家磔蚩尤千刀刺王莽 奔

蹄勁角專恣憑陵 殖筋醢骨抽舌探肝 風行雨

散東播西流京邑邱墟 蕞蓬蕭瑟 張廬拭玉修好

尋盟 山梁飲啄非有意於籠樊江海飛浮本無情

於鐘鼓 營魂已謝餘息空留 清襟勝託書囿文

林 膏脣販舌 諤諤非周舍容容類胡廣何其無

諍臣哉 晨看旅雁心赴江淮昏望牽牛情馳揚越

朝千悲而掩泣夜萬緒而回腸 分請灰釘 用魏王凌

事 甘從斧鑊 何但規規默默齧舌低頭而已哉

東平拱樹常懷向漢徐集之悲西洛孤墳恆表思鄉

之夢用後漢東平思王葬洛陽示夢乞歸葬事陵為吏

部尚書為書宣示曰既忝銜流應須粉墨以上徐陵傳

臺城陷江總避難於會稽龍華寺製修心賦曉修經

戒夕覽圖書寢處風雲憑棲水月寓安禪之古寺

成黃金之勝地山條偃蹇水葉侵淫挂猿朝落飢

颺夜吟泛流月之夜迴曳光煙之曉匝風引蛸

而嘶噪雨鳴林而修颺喜園迢遰樂樹扶疎經

行籍草宴坐臨渠堅固之林可喻寂滅之場暫如

折四辯之微言悟三乘之妙理遣十纏之繫縛祛

五惑之塵滓授尚書令策文五曹斯綜百揆是諧

南史識小錄卷十陳列傳 无

總自序曰軒冕儻來之一物深悟苦空更復練

戒總文傷於浮豔多有側篇以上江姚察居憂

讓官表偷生晷漏苴藁穢質非復人流將畢苦

壤豈期朝恩曲覃被之纓紱後主謂察曰朝廷惜

卿卿宜自惜齋菲累年有乖將攝察澄鑒之識

人以梓匠相許答後主勅身才庸近東朝攀奉

恩紀謬加後主曰姚察手筆典裁精當又曰姚

察文章故是一宗匠徐陵曰姚學士德學無前上

姚察傳汲郡孔堂之書玉箱金板之文莫不窮研旨

與遍採坎井論又宗元饒劾合州刺史陳裒曰建旗

求瘼襄帷恤隱爵由恩被官以私加求粟不蹙

徵魚無限

以上宗元饒傳

後主賜江總陸瓊詩總命瓊子

從典為謝啟俄頃便就文華理暢

陸瓊傳

傅綽篤信

佛教從惠朗法師受三論盡通其學時有大心髡法

師著無諍論以詆之緯為明道論釋其難曰三論之

興久矣龍樹創其源除內學之偏見提婆揚其旨蕩

外道之邪說斯因龍象之騰驤鯤鵬之搏運蹇乘決

羽豈能融望其間水泡生滅火輪旋轉聖人念

繞桎之不脫愍黏膠之難離

以上傅綽傳

傅綽不能循

道進退遂寘極網論

討周迪詔擁據一郡苟且百

心戈船蔽水鼓騎彌山迪傳

族不繫於宗盟

名無紀於庸器

陳寶應傳

南史識小錄

卷十

陳列傳

三

南史識小錄卷十終

南史識小錄卷十一

錢唐沈名蓀潤芳秀水朱昆田文盎

原輯

後學錢唐張應昌補正

循吏傳

凡百戶之鄉有市之邑歌謠舞蹈觸處成羣傾資

掃蓄猶有未供深賦厚斂天下騷動永明繼運垂

心政術長吏犯法封刃行誅都邑之盛士女昌逸

歌聲舞節衺服華粧桃花淥水之間秋月春風之下

梁武在田知人疾苦及定亂之始仍下寬書太

官常膳惟以菜蔬圓案所陳不過三盞以上杜驥序

入南朝常以儉荒遇之杜驥傳瑋父子居官竝著

奇績時傳諸傳有理縣譜理齊書作治子孫相傳不以示

南史識小錄卷十一循吏傳

一

人丹徒令沈嶺之清廉不事左右浸潤日至遂鎖

繫尚方歎曰一見天子足矣上召問之曰臣坐清所

以獲罪上曰清復何以獲罪曰無以承奉要人上曰

要人爲誰嶺之以手板四面指曰此赤衣諸賢皆是

若臣得更鳴必令清譽日至上後知其無罪重除丹

徒謂吏人曰我今重來當以人肝代米不然清名不

立傳龔代劉元明爲山陰令問元明舊政元明日

我有奇術卿家譜所不載臨別當相示既而曰作縣

令惟日食一升飯而莫飲酒此第一策也以上傳

明帝體肥憎風夏月常著小皮衣拜左右二人爲司

風令史風起方面輒先啓閉帝以故宅起湘宮寺

費極奢侈以孝武莊嚴刹七層帝欲起十層不可立
分爲兩刹各五層巢尚之罷新安郡還見帝曰卿至
湘宮寺未我起此寺是大功德虞愿在側曰陛下起
此寺皆是百姓賣兒貼婦佛若有知當悲哭哀愍罪
高浮圖有何功德 明帝好圍碁甚拙去格七八道
物議共欺爲第三品與第一品王抗圍碁依品賭戲
抗饒借帝曰皇帝飛碁臣抗不能斷帝終不覺以爲
信然 帝尤好鱖 鮓 殿本考證云逐夷鮓以銀鉢盛
魚腸胃之別名也 蜜漬之一食數鉢謂揚州刺史王景文曰此是奇味
卿頗足不答曰臣夙好此物貧素致之甚難帝甚悅
食逐夷積多胸腹痞脹將絕飲數升酢酒乃消疾大

南史談小錄 卷十一 循吏傳

二

困一食汁滓猶至三升水患積久藥不復効大漸日
正坐呼道人合掌便絕 虞愿爲晉安太守海邊有
越王石常隱雲霧相傳云清廉太守乃得見愿往就
視清澈無所隱蔽 褚彥回嘗詣愿愿不在見其眠
牀上積塵埃有書數表彥回歎曰虞君之清至於此
令人掃地拂牀而去 以上虞愿傳 沈瑀爲建德令教人
一丁種十五株桑四株柿及梨栗女子丁半之頃之
成林 沈瑀傳 范述曾自永嘉太守徵爲游擊將軍都
送故舊錢二十餘萬一無所受唯得白桐木火籠朴
十餘枚而已 邱師施罷臨安縣還唯有二十籠簿
書竝是倉庫券帖 以上范述曾傳 孫謙歷二縣五郡居身

儉素牀施。遷藤屏。風冬則布被莞席。夏日無幃帳。而夜臥未嘗有蚊蚋。孫謙傳 廣陵高爽有險。薄才容於

孫廉嘗有求不遂。乃為履謎。以喻廉曰。刺鼻不知嚏。

蹋面不知瞋。齧齒作步數持。此得勝人譏。其不計恥辱。以取名位也。然處官以善政稱。武帝嘗曰。東莞二

縣。謙廉而已。孫廉傳 何遠為武昌太守。折節為吏。饋

遺秋毫無所受。武昌俗皆汲江水。盛夏遠患水溫。每

以錢買人井寒水。不取錢。則撻水還之。江左水族

甚賤。遠每食不過乾魚數片而已。遠為武康令。太

守王彬巡屬縣。諸皆盛供帳。遠獨設糗水而已。彬去

遠送至境。進斗酒。隻鷓鴣。而別。彬戲曰。卿禮有過陸納

南史識小錄 卷十一 循吏傳 三

將不為古人所笑乎。遠處職疾強富。如仇讐視。貧

細如子弟。遠每戲謂人曰。卿能得我。一妄語。則謝

卿。以一縑。眾共伺之。不能記也。以上何遠傳 郭祖深上

梁武封事直。弦者淪溺溝壑。曲鈎者升進重沓。祖

深為南津校尉。尉有蛙餉。一早青瓜。祖深報以匹帛。以上郭祖深傳

晉世諸帝多處內房。朝宴所臨。東西二堂。而

已孝武末年。清暑方構。永初受命。無所改作。所居惟

稱西殿。不制嘉名。及孝武制度。滋長。犬馬餘菽粟。上

木衣綈繡。追陋前規。更造正光玉燭。紫極諸殿。彫樂

綺節珠窗。網戶。蒲密之化。齊永明中。郡縣居職

以三周爲小滿。賦調雲起。徭役無度。

以上

杜慧

慶爲政。纖密有如居家。檀和之歷始興太守。交州

刺史。所在有威名。盜賊屏迹。每出獵。猛獸伏不敢起。

以上仕

慧慶傳。阮長之除臨海太守。在官常擁敗絮。示

嘉時郡田祿以芒種爲斷。此前去官者一年秩祿皆

入。後人長之去武昌郡。代人未至。以芒種前一日解

印綬。

以上阮

甄彬嘗以一束苧就州長沙寺庫質

錢。後贖苧還於苧束中。得五兩金。以手巾裹之。彬送

還寺。庫後梁武以彬爲西昌侯藻府錄事參軍。稱其

昔有還金之美。

甄法

傅玳爲武康令。遷山陰令。二

縣謂之傅聖。

山陰賣針賣糲老姥爭團絲來詣玳

南史識小錄

卷十一

循吏傳

四

玳挂團絲於柱。鞭之。密視有鐵屑。乃罰賣糲者。又二

野父爭雞。各問何以食雞。一人云粟。一人云豆。乃破

雞得粟。罪言豆者。沈疢之以清。廉抵罪。邱寂之間。

之曰清吏。真不可爲也。政當處季孟之間。周洽歷

句容。曲阿。上虞。吳合。廉約無私。卒時無以殯。斂吏人

爲買棺器。齊武帝非之。曰洽累歷名邑而居。處不理。

遂坐無車宅。死令吏衣棺之。此宜罪。貶無論。褒恤乃

救。給贈賻。傅翹改爲吳令。孫廉問其惠化。如神。何

以至。此曰無他也。惟勤而清。清則憲綱自行。勤則事

無不理。以上傳虞愿爲晉安太守。郡舊出髻。蛇膽

可爲藥。有遺愿。蛇者愿不忍殺。放二十里外山中。

夜蛇還牀下復送四十里山經宿復歸虞愿傳 王洪

軌侵魏遇敗死傷塗地乃於謝祿山南除地廣設茵

席殺三牲招亡魂祭之人人呼名躬自沃醑慟哭不

勝 洪軌北人而清正州人呼為虜父使君以上王洪軌傳

沈瑀素與范雲善嘗就雲宿夢坐屋梁柱上仰見

天中有字曰范氏宅後瑀為梁武說之帝曰雲得不

死此夢可驗 瑀為餘姚令初至富吏皆鮮衣美服

瑀怒曰汝等下縣吏何得自擬貴人悉使著芒屨麤

布侍立終日瑀微時嘗至此鬻瓦器為富人所辱故

因以報焉以上沈瑀傳 孫謙每去官輒無私宅借空車

廐居焉謙以老微為光祿大夫每朝見猶請劇職

南史識小錄卷十一 蕭史傳 五

自効帝笑曰朕當使卿智不使卿力 謙末年頭生

二肉角各長一寸年九十二卒 遺命從儉率直就

羈牀裝之以廢以常所乘者為魂車比來羈車過精

非吾志也其子乃織細廢裝輜以篋為鈴佩雖素而

華以上孫謙傳 孫廉便辟巧宦傾意結附凡貴要每食

廉必日進滋旨皆手自煎調遂得御史中丞晉陵吳

興太守孫廉傳 何遠在官好開途巷修葺牆屋人居

市里城隍廡庫所過若營家焉何遠傳 郭祖深上封

事為國興療病相類療病當去巫鬼尋華扁為國當

黜佞邪用管晏 八對則言聖旨神衷出論則云誰

敢逆耳 百僚卿士尸祿競利累金積錙侍列如仙

都下佛寺五百餘所僧尼十餘萬道人又有白徒尼則皆畜養女僧尼多非法養女服羅紈請加檢括祖深在南州常服故布襦素木案食不過一肉以上

郭深傳

朱梁書補

紉華屏欲宋良吏傳序

徐謩為始興太守上

表曰俚民皆巢居鳥語宋徐謩傳

陸徽薦士表陵雪褻

穎貞柯必振遵風賞流清原斯挹 廣州別駕從事

史朱萬嗣秉操純白雖仕非世祿官無通資而九綜

州綱三端府職頻掌蕃機屢績符守 冰心與貪流

爭激霜情與晚節彌茂 歷宰金山家無寶鏤之飾

連組珠海室靡瑄珥之珍 矚然守志足以洗鏡貧

南史識小錄卷十一 循吏傳

六

張 負冰宇之潔望以上陸微傳 仰澤懷風 吳郡陸

法真有清節嘗為劉秀之安北錄事參軍太山羊希

與安北諮議參軍孫詵書曰足下同僚有陸錄事此

生東南名地以上王歆之傳 捨克聚斂侵愁細民梁良吏傳序

儒林傳

伏曼容美風采明帝恆以方嵇叔夜使吳人陸探微

畫夜像賜之伏曼容傳 伏暉為新安太守郡多蕪苧

家人乃至無以為繩伏暉傳 何佟之為國子助教為

諸生講喪服結草為經屈手中為冠 佟之性好潔

一日之中洗滌者十餘遍猶恨不足時人稱為水淫

又有遂安令劉澄為性彌潔在縣掃拂郭邑路無

橫草水翦蟲穢百姓不堪命以上何 沈峻好學晝

夜自課睡則以杖自擊沈峻傳 皇侃性孝常日限誦

孝經二十遍以擬觀世音經皇侃傳 鄭灼少時夢與

皇侃遇於途侃謂曰鄭郎開口侃因唾灼口中自後

義理益進 灼家貧抄義疏筆毫盡每削用之 灼

講授多苦心熱瓜時輒偃臥以瓜鎮心起便誦讀

賀德基少游學都下衣資罄乏盛冬止衣袂襦袴嘗

於白馬寺前逢一婦人容服甚盛呼德基入寺門脫

白綸巾以贈之謂曰君方為重器不久貧寒故以此

相遺耳以上鄭灼傳 張譏幼喪母有錯絲經帕母之遺

制每歲時輒對帕哽噎不能勝 後主在東宮集宮

僚置宴時造玉柄塵尾新成後主親執之曰當今雖

復多士如林至於堪捉此者獨張譏耳即手授譏

後主幸鍾山開善寺召從臣坐於寺西南松林下敕

譏豎義時索塵尾末至後主敕取松枝手以屬譏曰

可代塵尾以上張譏傳 顧越所居新坂黃岡世有鄉校

由是顧氏多儒學焉 會稽賀文發學兼經史與越

名相埒都下謂之發越焉以上顧越傳

本史補 天監四年詔開五館以五經教授置五經博

士各一人各主一館館有數百生射策通明經者即

除為吏於是懷經負笈者雲會以上 伏曼容與袁

粲罷朝相會言元理時論以為一臺二絕 曼容為

南海太守至石門作貪泉銘宅在瓦官寺東施高

坐於聽事有賓客輒升高座為講說以上伏曼容傳伏挺

博學有才思任助歎曰此子曰下無雙梁武見之

謂之顏子以上伏挺傳嚴植之居父憂菜食二十三載

嚴植之傳崔靈恩著左氏條義申服以難杜虞僧誕精

杜學作申杜難服以答之世竝傳焉崔靈恩傳北來人

儒學有崔靈恩孫祚蔣顯聚徒講說而音辭鄙拙惟

盧廣言論清雅不類北人盧廣傳廣范陽涿人歸梁孔子祛

少好學耕耘樵採常懷書自隨役閑則誦讀孔子祛

梁律測囚之法日一上起自晡鼓盡於二更周宏正

議曰測人時節本非古制測立時久非人所堪所以

南史識小錄卷十一儒林傳八

重械之下危墮之上誣枉者多至如貫高榜笞刺

焚身無完膚戴就熏針竝極囚篤不移豈關時刻長

短掠測優劣以上沈洙傳張譏嘗預文德殿講易整容

而進諮審循環辭令溫雅帝異之賜裘襦絹等云表

卿稽古之力周宏正在國學嘗謂人曰吾每登坐

見張譏在席使人懍然以上張譏傳顧越鹽官人與吳

興沈炯同郡張種會稽孔奐等為文會越以宮僚

未盡時彥上疏曰文宗學府廉潔正人當趨奉龍樓

晨游夕論以上顧越傳沈不害每製文操筆立成曾無

尋檢周宏正稱之曰沈生可謂意聖人乎沈不害傳永

陽王為吳郡太守聞陸慶之名欲與相見慶辭時宗

陽王為吳郡太守聞陸慶之名欲與相見慶辭時宗

人陸榮爲郡五官掾慶嘗詣焉王乃微服往榮宅穿壁以觀之王謂榮曰觀陸慶風神凝峻殆不可測嚴君平鄭子真何以尙茲王元規傳鄒纓齊紫且以移俗升寵於時時經屯諒郊生戎馬論以上

梁陳書補天監四年詔二漢登賢莫非經術服膺雅

道名立行成梁儒林傳序范縝神滅論問曰生者形骸

變爲死者骨骸榮體變爲枯體枯體卽是榮體絲體

變爲縷體縷體卽是絲體有何別焉答曰若枯卽是

榮榮卽是枯應榮時凋零枯時結實又榮枯是一何

不先枯後榮絲縷之義亦同此破八彩重瞳勛華

之容龍顏馬口軒疎之狀形表之異也比于之心七

南史識小錄卷十一儒林傳九

竅列角伯約之膽其大如拳心器之殊也晉棘荆

和等價連城害政蠹俗風驚霧起竭財以赴僧

破產以趨佛而不惜親戚不憐窮賈者良由厚我之

情深濟物之意淺捨逢掖襲橫衣廢俎豆列餅鉢

以上梁范縝傳沈不害請立國學表環林璧水業盛兩京

涪源既遠澆波已扇譬彼染藍類諸琢玉姦

回內鬩朝聞鼓鼙夕照烽火洪儒碩學解散甚於

坑夷五典九邱湮滅逾乎帷蓋後生敦悅重氛

載廓使擔簦負笈鏘鏘接袵方領矩步濟濟成林

以上陳沈不害傳

邱靈鞠領東觀祭酒曰人居官願數遷使我終身爲祭酒不恨也。靈鞠領驍騎將軍不樂武位謂人曰

我應還東掘顧榮冢江南數千里士子風流皆出此中顧榮忽引諸僮輩度妨我輩塗轍死有餘罪。靈

鞠在沈深深齊書作淵坐見王儉詩深曰王今文章大進

靈鞠曰何如我未進時靈鞠宋時文名甚盛入齊頗

減蓬髮弛縱無形儀王儉謂人曰邱公仕宦不進才

亦退矣。以上邱靈鞠傳鍾嶸著詩評云范雲婉轉清便如

流風回雪邱遲點綴映媚如落花依草雖取賤文通

而秀於敬子。邱遲傳邱仲孚爲山陰令有聲稱百姓

謠曰二傅沈劉不如一邱。傅致父子沈憲劉元明相繼宰山陰言仲孚皆過之

南史識小錄卷十一文學傳

邱仲孚傳檀超放誕任氣解褐州西曹蕭惠開爲別

駕超便抗禮惠開自以地位居前稍相陵辱超張目

謂曰我與卿俱是國家微賤時外戚耳何足以一爵

高人。蕭太后惠開之祖姑長沙景王妃超祖姑也。齊書

云與別駕蕭惠開其事不爲之下惠開曰超嗜酒

我與卿俱起一老姥何足相誇與此文異。超嗜酒

好談詠自比晉郗超言高平有二超父曰猶覺我爲

優也。吳邁遠好爲篇章宋明帝問而召之及見曰

此人連絕之外無所復有。邁遠好自誇而嗾鄙他

人每作詩得稱意語輒擲地呼曰曹子建何足數哉

檀超聞而笑曰昔劉季緒才不逮於作者而好抵訶

人文章季緒瑣瑣焉足道哉至於邁遠何爲者乎。以

盧超

卜彬爲上虞令太守孟顛以令長裁之積不

能容脫幘投地曰我所以屈卿者政爲此幘耳今已投之卿矣卿以一世勳門而傲天下國士拂衣而去

彬搔癢數年不得仕進乃擬趙壹窮鳥爲枯魚賦

以喻意後爲南康郡丞仕旣不遂乃著蚤蝨蝸蟲蝦

蟊等賦皆大有指斥 蚤蝨賦序曰余居貧布衣十

年不製一袍之縕有生所託爲人多病起居甚疎紫

寢敗絮不能目釋兼攝性懈墮懶事皮膚澡刷不謹

泔沐失時四體氾氾加以臭穢故葦席蓬纓之間蚤

蝨猥流淫癢涓涓無時忽肉探揣獲撮日不替手蝨

有諺云朝生暮孫若吾之蝨者無湯沐之慮絕相弔

南史識小錄

卷十一

文學傳

十一

之憂晏聚乎久袴爛布之裳復不慙之討捕孫孫子

子

子齊書

三十五歲焉

彬又爲禽獸決錄目禽

獸云羊性淫而狠猪性卑而率鷺性頑而傲狗性險

而出皆指斥貴勢羊淫狠謂呂文顯猪卑率謂朱隆

之鷺頑傲謂潘敞狗險出謂文度 蝦蟇賦云紆青

拖紫名爲蛤魚世謂比合僕也又云蚪斗唯唯羣浮

闇水惟朝繼夕聿役如鬼比合史諮事也 彬性飲

酒以瓠壺瓢勺杅皮爲肴 以大瓠爲火籠什物多

諸詭異 自稱卜田居婦爲傅蠶室 或謂彬曰卿

都不操持名器何由得升彬曰擲五木子十擲輒

豈復是擲子之拙吾好擲政極此耳 袁叡自重其

文謂人云我詩應須大材造之不爾飛去孫抱爲

延陵縣高爽詣之抱了無故人之懷爽出從縣閣下

過取筆書鼓云徒有八尺圍腹無一寸腸面皮如許

厚受打未詎央抱形體肥壯故以此譏之以上十
彬傳

虞蘇少好學居貧屋漏恐溼墮典乃舒被覆書書獲

全而被大溼時人以此高鳳邱巨源傳王智深免官家

貧無人事嘗餓五日不得食掘堯根食之堯齊書作
王智

深傳祖冲之以諸葛亮有木牛流馬乃造一器不因

風水施機自運不勞人力又造千里船於新亭江試

之日行百餘里於樂遊苑造水碓磨武帝親臨視祖
冲

傳祖暅之有巧思入神之妙般倅無以過也當其

南史識小錄卷十一文學傳 三

詣微之時雷霆不能入嘗行遇僕射徐勉以頭觸之

勉呼乃晤祖暅之傳賈希鏡家傳譜學宋孝武時青

州人發古墓銘云青州世子東海女郎帝問學士鮑

照等竝不能悉希鏡對曰此是司馬越女嫁荀晞兒

檢訪果然竟陵王子良使希鏡撰見客譜希鏡祖

弼之廣集百氏譜記希鏡三世傳學凡十八州士族

譜合百帙七百餘卷皆如貫珠以上賈希鏡傳
齊書作賈淵鍾

嶸上言永元肇亂坐弄天爵勳非即戎官以賄就揮

一金而取九列寄片札以招六校騎都塞市郎將填

街服既纓組尙爲臧獲之事職雖黃散猶躬胥徒之

役嶸嘗求譽於沈約約拒之及約卒嶸品古今詩

爲評云觀休文衆製五言最優於時謝朓未迺江淹才盡范雲名級又微故稱獨步故當辭密於范意淺於江蓋追宿憾以報約也

以上鍾

吳均文體清拔

有古氣好事者或數之謂爲吳均體

吳均

劉勰博

通經論爲文長於佛理敕與慧震沙門於定林寺撰

經證功畢遂求出家先燔鬚髮自誓敕許之乃變服

改名慧地云

劉勰傳

何敬叔爲長城令不受禮遣夏

節至忽勝門受餉數日中得米二千餘斛他物稱是

悉以代貧人輪租何思澄被舉入華林撰遍略思

澄重交結分書與諸賓朋校定而終日造謁每宿昔

作名一束曉便命駕朝賢無不悉狎狎處卽命食投

南史識小錄卷十一文學傳

三

晚還家所齋名必盡思澄與宗人遜及子朗俱擅

文名時人語曰東海三何子朗最多思澄聞之曰此

言誤耳如其不然故當歸遜思澄意謂宜在己也

何子朗嘗爲敗冢賦擬莊周馬極其文甚工世人

語曰人中爽爽有子朗

以上何思澄傳

會稽謝善助能爲

八體六文方寸千言善助飲酒至數斗醉後輒張

眼大罵雖復貴賤親疎無所擇也時謂之謝方眼

顏協紀少瑜夢陸倕以一束青鏤管筆授之云我

以此筆猶可用卿自擇其善者其文因此適進到

概嘗目紀少瑜曰此人有大才而無貴仕

以上紀少瑜傳

顏晃家世單門傍無戚援而介然修立爲當世所知

顏晃 文章者蓋情性之風標。神明之律呂也。蘊思

含毫遊心內運。放言落紙。氣韻天成。稟以生靈。遷

乎愛嗜。機見殊明。賞悟紛雜。出言異句。下筆殊形。

暢自心靈。宣之簡素。以上

本史補 宋孝武殷貴妃亡。邱靈鞠獻挽歌三首云雲。

橫廣階閣。霜深高殿寒。帝擣句嗟賞。靈鞠嘗詣司

徒褚彥。回彥回不起。曰。比脚疾更增。不復能起。靈鞠

曰。脚疾亦是大事。公為一代鼎臣。不可復為覆餗。上

邱靈鞠傳 邱遲八歲便屬文。父靈鞠嘗謂氣骨似我。

遲為中書郎。坐事免。獻責躬詩。以上邱仲孚少

好學。讀書嘗以中宵鐘鳴為限。王儉曰。東南之美。

南史識小錄 卷十一 文學傳 十四

復見邱生。以上邱仲孚傳 永明中。琅邪諸葛勗為國子生

作雲中賦。指祭酒以下皆有形似之目。高爽為晉

陵令。有人送書與爽。告躡云。比日守羊困苦。爽答曰。

守羊無食。何不貨羊糴米。以上十孔廣美容止善

吐論。王儉常云。廣來使人廢簿領。匠不須來。來則莫

聽去。張緒數中車詣之。每歎云。孔廣使吾成輕薄。祭

酒。孔道有才藻。謝朓年少遊會稽。還父莊問入東

何見見。孔道否。見重如此。司馬憲口辯有才。地上

邱巨源傳 王智深拙澀。乏風儀。王智深傳 崔慰祖父喪不

食鹽。母曰。毀不滅性。政當不進肴羞耳。如何絕鹽。

父慶緒為梁州刺史。梁州之資家財十萬散與宗族。

漆器題爲日字。日字之器流乎遠近。慰祖著海岱

志。半成臨卒與仲弟緯書云。嘗欲更注遷固二史。采

史。漢所漏二百餘事。在厨籠可檢寫之。以存大意。海

岱志。良未周悉。可寫數本。付與友人。任助徐寅。劉洋

裴揆。令後世知吾微有素業也。以上崔袁峻家貧

無書。每從人假借。必鈔寫自課。日五十紙。紙數不登

則不止。梁武好辭賦。獻文章於南闕者。相望峻擬

楊雄。言箴奏之。以上袁劉綏性虛遠。有氣調。風流

跌宕。名高一府。援爲湘東王中錄事。常云。不須名位。所須衣食。

不用身後之譽。惟重目前知見。劉綏鍾嶸與兄岷

弟岷並好學。有思理。齊明帝躬親細務。顧暲答明

南史識小錄卷十一 文學傳 帝曰。繁碎職事。人主親之。所謂代庖人宰。而爲大匠

斲也。以上鍾周興嗣嘗步自姑孰。投宿逆旅。夜有

人謂曰。子才學邁世。初當見識貴臣。卒被知英。主言

終不測所之。興嗣天監初奏休平賦。梁武嘉之。

河南獻舞馬。詔與到沈張。率爲賦。以興嗣爲工。武帝

以三橋舊宅爲光宅寺。敕興嗣與陸倕各製寺碑。用

興嗣所製。自是銅表銘柵。塙碣。魏文次韻。王羲之

書千字。並使興嗣爲文。興嗣兩手患風疽。帝手疏

疽方。賜之。以上周劉勰撰文心雕龍五十篇。欲取

定於沈約。無由自達。乃負書候約於車前。狀若貨鬻。

者。約取讀。大重之。常陳諸几案。雕龍序子嘗夜夢

者。約取讀。大重之。常陳諸几案。雕龍序子嘗夜夢

執丹漆禮器隨仲尼南行文章之用實經典枝條

擲筆和墨以上劉

何思澄為遊廬山詩沈約稱

賞郊居宅新構閣齋書此詩於壁思澄自廷尉正

遷書侍御史天監初重此選車前依尚書二丞給三

騶執盛印青囊舊事糾彈官印綬在前故也太原

王子雲江夏費昶竝為閩里才子子雲嘗為自弔

文昶善為樂府武帝敕曰才意新拔有足嘉異昔

郎暉博物卜蘭巧辭束帛之賜實惟勸善可賜絹十

匹以上何梁受禪顏見遠不食卒武帝聞之曰我

自應天從人何豫天下士大夫事而顏見遠乃至於

此顏協修飾邊幅非車馬未嘗出遊顏協與吳

南史識小錄卷十一文學傳

六

郡顧協同在湘東王蕃邸才學相亞府中稱為二協

以上顏紀少瑜年十三屬文為京華樂王僧孺見

而賞之曰此子才藻新拔方有高能少瑜工稟草

以上紀杜子偉強識俊才杜子岑之敬五歲讀

孝經每燒香正坐十六策春秋左氏制旨孝經義

擢高第御史奏皇朝多士例止明經若顏閔之流乃

應高第梁武省其策曰何妨我復有顏閔邪因召入

面試令之敬升講坐敕朱异執孝經唱士孝章帝親

自論難之敬剖釋從橫左右嗟服以上岑徐伯陽

太建初與李爽張正見賀徹阮卓蕭詮王由禮馬樞

祖孫登賀循劉剛等為文會友後有蔡凝劉助陳道

孔範亦預焉。皆一時士也。遊宴賦詩。動成卷軸。伯陽爲其集序。鄱陽王率府僚登匡嶺。置宴酒酣。命筆賦劇韻。三十伯陽與祖孫登先成。以上徐伯陽傳阮卓奉

使招慰交阯。夷獠交阯。通日南象郡。多金翠珠貝。前後使者皆致之。惟卓挺身而還。咸服其廉。阮卓傳

齊梁陳書補 檀超舉止和靡。超與江淹掌史職。上表立十志。王儉議曰。朝會志前史不書。曲碎小儀。無煩錄。又稱班固日食載於五行。欲改入天文志。按九疇。一曰五行。五行之本先乎水火之精。是爲日月宜無改革。又立帝女傳。亦非所安。若有高德異行。自當載在列女。若止常美仍舊。不書詔日月災隸天文餘

南史誠小錄卷十一文學傳 七

如儉議。檀超傳 桂陽事起邱巨源於中書省撰

符檄事。平不賞與。尚書令袁粲書曰。仰觀天緯。右將左相。俯察人序。西武東文。先聲後實。軍國舊章。羽檄之難。必須筆傑。荷戢塵末。操牘事始。無拳無勇。竝隨資峻級矣。不文不武。已坐拱清階矣。邱巨源傳

王珪之子顯。上啓臣父籍素爲基。依儒習性。王祖冲之傳 祖冲之造新厯。上表親量圭尺。躬察儀漏。目盡毫釐。心窮籌筭。懸象著明。尺表之驗。可推動氣幽微。寸管之候。不忒。以上祖冲之傳

陳思代馬羣章。王粲飛鸞。諸製四言之美。前超後絕。少卿離辭。五言難與爭鶩。桂林湘水。平子之華篇。飛館玉池。魏文之麗

爭鶩。桂林湘水。平子之華篇。飛館玉池。魏文之麗

爭鶩。桂林湘水。平子之華篇。飛館玉池。魏文之麗

爭鶩。桂林湘水。平子之華篇。飛館玉池。魏文之麗

篆七言之作非此誰先。張左恢廓登高不繼賦貴披陳未或加矣。分言制句。孫綽之碑。嗣伯喈之

後。謝莊之詠。起安仁之塵。五言之製。獨秀衆品。

朱藍共妍。啓心閑繹。託辭華曠。全借古語。用申

今情。雕藻淫艷。傾炫心魂。吐石含金。文人談

士。以上齊書文學傳論簡文與湘東王書時復短詠。元冬

脩夜。肩吾傳鍾磬詩品序氣之動物物之感人

搖蕩。性情。形諸舞詠。欲以燭照。三才輝麗。萬有靈祇

待之。以致饗。幽微籍之以昭告。動天地。感鬼神。莫近

於詩。夏歌云鬱陶乎予心。楚謠云。名余曰正則雖

詩體未全。然是五言之濫觴也。逮漢李陵始著五言

南史識小錄卷十一文學傳

之目。建安曹公父子平原兄弟鬱爲文棟。次有攀

龍。託鳳者。蓋將百計。晉太康中。三張二陸兩潘

左。亦文章之中興。永嘉時。貴黃老。尙虛談。於時篇

什理過其辭。淡乎寡味。爰及江表。微波尙傳。郭

景純俊上之才。劉越石清剛之氣。靈運才高辭盛

富豔難蹤。合跨劉郭。陵驟潘左。昔故知陳思爲建安

之傑。公幹仲宣爲輔。陸機爲太康之英。安仁景陽爲

輔。謝客爲元嘉之雄。顏延年爲輔。此五言之冠冕。文

辭之命世。四言文約意廣。取效風騷。每苦文煩意

少。世罕習焉。五言居文辭之要。是衆作之有滋味者

也。指事造形。窮情寫物。若乃春風春鳥。秋月秋

也。

蟬夏雲暑雨冬月祁寒四候之感諸詩者也 嘉會

寄詩以親離羣託詩以怨 楚臣去境漢妾辭宮骨

橫朔野魂逐飛蓬塞客衣單霜聞淚盡 士有解珮

出朝一去忘反女有揚蛾入寵再盼傾國 庸音雜

體 終朝點綴分夜呻吟 抱玉者連肩握珠者踵

武 諒非農歌輟議敢致旒別 以上鍾 廣陵高爽

為晉陽令坐事繫治作鱖魚賦以自况 吳均 劉峻

辨命論高才而無貴仕饗養而居大位自古所歎焉

鼎貴高門 觸山之力無以抗倒日之誠弗能感

天乙之時焦金流石 謂湯時旱 顏回敗其崇蘭 文選

子叢蘭欲茂秋風敗冉耕歌其芳 文選注冉耕字

之言顏回早死也 伯牛有惡疾韓

有惡疾也 卷十一 文學傳 五

鳳起摧迅翻於風穴 漢馮 敬通 劉璉志烈秋霜心貞崑

玉亭亭高城不雜風塵 玉質金相英髦秀達 膏

塗平原骨填川谷 湯武龍躍彭韓豹變 張桓朱

紱 張禹桓榮以 靡顏膩理 貌咳嚔 額口不正

也 明經拾青紫 顯額身高貌 史 形之異也 朝秀晨終 朝出暮 龜鵠

千歲年之殊也 龍犀日角帝王之表河目龜文 公

侯之相 薰蕕不同器梟鸞不接翼 渾敦倚杙踵

武雲臺之上仲容庭堅耕耘巖石之下 戎狄以烝

報為仁義 上淫曰烝 左帶沸屠也 齊梁之間以膚

為沸 屠 宋公一言法星三徙 宋景退 殷帝自翦千里

來雲湯禱桑林翦髮縻手荆昭德音丹雲不卷楚昭王赤

雲夾自以為穢千里雨至荆昭德音丹雲不卷楚昭王赤

日事 君子居正體道樂天知命瑤臺夏屋不能悅

其神土室編蓬未足憂其慮以上劉謝幾卿答湘

東王釋書下官奉違南浦卷迹東郊望日臨風曠

言竹立 仰尋惠渥陪奉遊宴漾桂棹於清池席落

英於曾岨蘭香兼御羽觴競集 側聽餘論沐浴元

流 濤波之辯懸河不足譬春藻之辭麗文無以匹

嘉會難常搏雲易遠 老使形疎疾令心阻 尋

理滌意以上謝文心雕龍序騰聲飛實制作而已

辭人愛奇飾羽尙書文繡聲悅離本彌甚 近代

論文者多矣各照隅隙鮮觀衢路 未能振葉以尋

南史識小錄卷十一 文學傳 三

根觀瀾而索源 論文敘筆固別區分 劈肌分理

惟務折衷 按轡文雅之場環絡藻繪之府 識在

餅管以上劉沈約郊居閣齋劉杳為贊約報杳書

君愛素情多 句韻之間光影相照以上劉裴子

野為寒夜直宿賦贈謝徵徵為感友賦酬之時同官

中書舍人相友善謝徵伏挺致徐勉書昔士德懷

顧戀與數日輔嗣思友情勞一旬 朝野懸隔山川

邈殊雖咳唾時沾而顏色不覲 靜居廓處顧影莫

酬 累牘兼翰紙紉字磨 不能促節局步以應流

俗 勉報書發函伸紙事苞出處言兼語默 卿雄

州擢秀弱冠升朝 穿綜百家佃漁六學 偃臥瓊

籍遊浪儒玄。捐此薜蘿。出從鷓鴣。紀石封山。

返服衡門。娛且爛腸。因事而息。清塵獨遠。白雲

飄蕩。覽復循環。流連縹緲。紙式閭。願見宜事掃門。

亦有來思。赴其懸榻。以上伏張纘與陸雲公叔襄

兄晏子書懷。橘抱柰。稟自天情。標令弱年。方春掩

質埋玉之恨。以上陸雲公傳顏協卒世祖為舊詩曰。鴝

漸殊未升上才。淹下秩。顏協傳杜之偉求解著作啓

清文贍筆。遷董之任。陳仕之傳王僧辯答許亨辭

府牋曰。久羈駿足。將成頓轡。匡輔虛閭。以上許亨傳

陸瑜卒。皇太子與詹事江總書片善。小才特用。矜賞

况復洪識奇士。經耳無遺。觸目成誦。語元析理。

南史識小錄卷十一 文學傳 三

披文摘句。譚笑娛情。琴樽間作。雅篇豔什。迭互鋒

起。每清風朗月。美景良辰。對羣山之參差。望巨波

之混漾。或玩新花。時觀落葉。既聽春鳥。又聆秋鴈。未

嘗不促膝舉觴。連情發藻。玉折蘭摧。遽從短運。

遺迹餘文。觸目增泣。絕絃投筆。恆有酸梗。以上陸瑜傳

世祖為會稽太守。陸琛年十八上善政頌。甚有詞采

陸琛傳

南史識小錄卷十二

錢唐沈名蒸調芳秀水朱昆田文盜

原輯

後學錢唐張應昌補正

孝義傳

風離化薄禮違道喪忠不樹國孝亦愆家

今搜綴

湮落以備闕文云爾

以上片

西陽縣人董陽三世同

居外無異門內無異烟詔榜門曰篤行董氏之間

劉

傳 郭原平養親必以已力傭賃以給供養主人設

食原平自以家貧父母不辦有香味唯餐鹽飯而已

若家或無食則虛中竟日義不獨飽須日暮作畢受

直歸家於里糶買然後舉爨原平父亡塋曠凶功

不欲假人本雖巧而不解作墓乃訪邑中有營墓者

南史識小錄

卷十二

孝義傳

一

助人運力久乃閑練原平宅上種竹夜有盜其筍

者遇見之盜者奔走墜溝原平乃於所植竹處溝上

立小橋令通又採筍置籬外鄰里慙愧無復取者

郭原平吳達遇疾疫父母兄嫂及羣從小功之親男

女死者十三人達晝則傭賃夜則伐木燒甌暮年中

成七墓葬十三棺

吳達傳

吳郡人陳遺少為郡吏母

好食鍋底飯遺在役恆帶一囊每煮食輒錄其焦以

貽母後孫恩亂聚得數升恆帶自隨及敗逃竄多有

餓死遺以此得活河南孝廉秦綿遭母喪送葬不

忍復還鄉人為作茅庵仍止其中若遇有米則食粥

無米則食菜而已

以上潘綸傳

邱傑十四遭喪以熟食

有味不嘗於口。歲餘忽夢見母曰：「死，止是分別耳。何事乃爾？」茶苦汝噉，生菜遇蝦蟇毒靈牀。前有三丸藥，可取服之。傑驚起，果得甌。甌中有藥服之，下科斗子數升。邱氏世保此甌。邱傑傳 王彭喪父母，無以營葬。

兄弟二人晝則傭力，夜則號感鄉里，哀之乃各出夫

力，助作磚塲，須水而天旱穿井數十丈，泉不出。彭號

天自訴，如此積日。一旦大霧，塲竈前忽生泉，水葬竟

水便自竭。太守表改其里為通靈里。王彭傳 孫法宗

父隨孫恩入海，濛被害。母兄並餓死。法宗年幼霜行

草宿，營辦母兄棺槨，又入海求父屍。聞世間論是至

親，以血憑骨當悉凝。浸乃操刀沿海，見枯骸，則刻肉

灌血。如此十餘年，臂胛無完皮，血脈苦竭，終不能逢

遂衰經終身。孫法宗傳 何子平為揚州從事，史月奉得

白米，輒貨市菽麥，人曰：「所利無幾，何足為煩？」子曰：「

尊者在東，不辦得米，何心獨饗白粲？」何子平傳 王虛之

年十三喪母，三十三喪父，二十五年鹽酢不入口。庭

中楊梅樹，隆冬三實，墓上橘樹一冬再實。又每夜所

居有光如燭，咸以為孝感所致。王虛之傳 吳慶之為江

夏王義恭西曹書佐，義恭誅慶之，自傷為吏，無狀不

復肯仕。王琨為吳興太守，欲召為功曹，答曰：「走素無

人世情，若欲見吏，則是蓄魚於樹棲，鳥於泉耳，不辭

而退，琨追謝之，望塵不及矣。吳慶之傳 蕭叡明母病風

而退，琨追謝之，望塵不及矣。吳慶之傳 蕭叡明母病風

南史識小錄

卷十二 孝義傳

二

積年沉臥。叡明晝夜祈禱。時寒下淚。爲冰如筋。額上

叩頭。血亦冰不溜。忽有人以小石函授之。曰：此療夫

人病函。中惟有寸絹。丹書爲日月字。母服之。卽平

復蕭叡明傳。華寶父豪。晉義熙末。戊長安。寶年八歲。臨

別。謂寶曰：須我還爲汝。上頭長安。陷寶年。至七十不

婚。冠華寶傳。解叔謙齊書作恭。母有疾。叔謙夜於庭中

稽顙。聞空中語云：此病得丁公。藤爲酒。便差訪醫。及

本草注。皆無識者。乃求訪。至宜都郡。遙見山中一老

公。伐木。問其所用。答曰：此丁公藤。療風尤驗。叔謙便

拜伏流涕。具言來意。此公愴然。以四段與之。并示以

漬酒法。叔謙受之。顧視不見其人。依法爲酒。母病卽

差。宗元卿早孤。爲祖母所養。祖母病。元卿在遠。輒

心痛。大病。則大痛。小病。則小痛。鄉里號曰宗曾子。

庾震喪父母。居貧。無以葬。賃書以營事。至手掌。穿然

後葬。事獲濟。謝昌寓。孝性甚。至嘗養一鵠。昌寓病

二旬。而鵠二旬不食。昌寓亡。鵠遂飛去。以上解叔謙傳樂

頤之。遇病。與母隔壁。忍病不言。嚙被。至碎。恐母之哀

已也。吏部郎庾杲之。往候頤之。爲設食。惟枯魚菜

菹。杲之曰：我不能食。此母問之。自出常膳。魚羹數種

杲之曰：卿過於茅季。偉我非郭林宗。以上樂頤之傳隆昌

末樂。預謂丹陽尹徐孝嗣曰：外傳藉藉。似有伊周之事。君蒙武帝殊常之恩。荷託付之重。恐不得同人。此

事人笑褚公至今齒冷無爲效尤樂預傳江泌少貧

晝則斫屨爲業夜讀書隨月光光斜則握卷升屋睡

極墮地則更登泌母亡以生缺供養遇鮓不忍食

食菜不食心以其有生意唯食老葉而已以上江泌傳

滕曇恭年五歲母楊氏患熱思食寒瓜土俗所不產

曇恭訪不能得銜悲哀切俄遇一桑門問其故具以

告桑門曰我有兩瓜分一相遺還以與母尋訪桑門

莫知所在滕曇恭傳衛敬瑜妻王氏年十六而敬瑜亡

誓不嫁截耳置盤中爲誓爲亡堵種樹數百株墓前

柏樹忽成連理女爲詩曰墓前一株柏柏根連復並枝

妾心能感木頑城何足奇所住戶有燕巢常雙飛來

南史識小錄卷十二孝義傳四

去後忽孤飛女感其偏棲乃以縷繫腳爲誌後歲此

燕果復更來猶帶前縷女復爲詩曰昔年無偶去今

春猶獨歸故人恩既重不忍復雙飛雍州刺史西昌

侯藻嘉其美節題其門曰貞義衛婦之閭張景仁傳陶

子鏞母嗜蓴母沒後恆以供奠梁武義師初至此年

冬營蓴不得子鏞痛恨遂長斷蓴味陶子鏞傳張昭父

燠患消渴嗜鮮魚昭身自結網捕魚以供朝夕張昭傳

孝立閨庭忠被史策多發溝賦之中非出衣簪之

下論

本史補仕以勢招榮非行立被之圖篆用存旌勸

以上郭世通母服除後思慕終身如喪者未嘗釋

衣帽宋文帝敕改世

所居獨楓里爲孝行里

郭世通傳

吳達夜行遇猛獸猛獸輒下道避之

猛獸宋書作虎唐人避諱

吳傳

張進之有志行劫入村抄暴至進之門輒約

不得侵犯梓潼人張楚楚祈禱苦至燒指自

誓感悟疾愈榜門曰孝行張氏之閭

以上張進之傳

師覺

授於路見人折書一函題曰至孝師君苦前俄而不

見奔歸聞家哭聲一叫而絕良久乃蘇

師覺授傳

孫法

宗見麕鹿觸網必解放之償以錢物後苦頭創夜有

女人至曰取牛糞煮傳之卽驗一傳便差

孫法宗傳

卜

天與笑不解顏卜天生少爲隊將十人同火屋後

有一坑廣二丈餘十人共跳之皆度惟天生墜天生

南史識小錄

卷十二

孝義傳

五

乃取實中苦竹刻其端使利交橫布坑內更呼等類

共跳並懼不敢天生跳之往反十餘曾無留礙

以上天

與余齊人父在家病亡信未至齊人謂人曰比肉

痛心煩有如割截必有異故及知父病四百餘里一

日而至至門方知父死問父遺言母曰汝父臨終恨

不見汝齊人曰相見何難號叫殯所須與便絕

余齊人傳

何子平母喪以饑荒師旅不得葬晝夜號哭常如

袒括之日冬不衣絮暑不避清涼所居屋敗兄子欲

爲葺理子平曰我情事未申天地一罪人耳屋何宜

覆

何子平傳

秣陵朱緒無行母病思菰羹緒妻買菰爲

羹欲奉母緒曰病復安能食先嘗之遂併食盡母怒

曰我病欲此羹汝何心啖盡天若有知當令汝哽死
緒便心中介然卽利血死鮮于文宗七歲喪父

父以種芋時亡終身對芋嗚咽以上蕭韶明傳蕭孺妻羊

字淑禕母疾淑禕中夜祈禱見一人在樹下自稱枯

桑君曰若人無患令泄氣在亥西南求白石鎮之言

訖不見如言而愈羊緝之女佩任母亡不食死鄉

里號曰女表會稽寒人陳氏有三女無男祖父母

年入九十父癯病母不安其室遇歲飢三女於西湖

采菱蓴更日至市貨賣鄉里稱爲義門諸暨東渚

里屠氏女父失明母痼疾親戚相棄鄉里不容女孩

父母遠住紆舍晝采樵夜紡績以供養父母卒營殯

南史識小錄

卷十二

孝義傳

六

葬負土成墳忽空中有聲云汝至性可重山神欲相

驅使可爲人療病必得大富貴遂以巫道爲人療疾

無不愈家產日益以上蕭孺妻羊傳韓靈敏親亡貧無以

營凶兄弟共種瓜朝採瓜子暮已復生遂辦葬事韓靈

敏封延伯三世同財爲梁郡太守爲政清靜有

高士風以上封延伯傳蔡曇智鄉里號蔡曾子何伯嶼兄

弟鄉里號何展禽吳達之傳樂預爲永世令卒官有一

媪擔檟菽葉造市貨之聞預亡大泣棄溪中曰失樂

令我輩孤獨老姥政應就死耳市人亦皆泣樂預傳

江泌衣敝蝨多綿裹置壁上恐蝨飢死乃復置衣中

數日間終身無復蝨泌乘牽車見一老公步行下

車載之躬自步去 必爲南康王子琳侍讀明帝害

諸王泌憂念子琳訪志公道人問其禍福誌公覆香

臚灰示之曰都盡無餘果被害 必族有與泌同名

者世謂必爲孝泌以別之 以上江 庾道愍精相板

手板 山陽王休祐屢忤宋明帝見道愍託以已板爲

他物令占之曰此乃甚貴然使人多愆忤休祐以積

彥回詳密求換其板他日彥回侍帝自稱下官帝不

悅休祐具以狀言帝乃意解 庾道愍傳 庾沙彌始生時

父坐誅至五歲所生母爲製采衣不肯服曰家門禍

酷用是何爲 嫡母劉疾應鍼灸以身先試母亡所

坐薦淚霑爲爛 臺在新林忽生旅松百許株有異

南史識小錄 卷十二 孝義傳 七

常松 以上庾 沙彌傳 庾持每屬辭好爲奇字 庾持 滕曇

恭父母卒晝夜哀慟門外樹三株有神光自樹而起

俄見佛像及夾侍之儀容光顯著自門而入 王儉

號曇恭爲滕 曾子 以上滕 曇恭傳 陶季直早慧祖愍祖愛

異之嘗以四兩銀列置於前令諸孫各取其一季直

時年四歲獨不取曰若有賜當先父伯不應度及諸

孫愍祖益奇之 季直澹於榮利徵召不起號曰聘

君 季直爲給事黃門侍郎嘗稱仕至二千石始願

畢矣無爲久預人間事乃辭疾還鄉里 以上陶 季直傳 吉

勝父逮詣廷尉罪當人辯撥年十五擿登聞鼓乞代

父命帝乃宥其父丹陽尹王志欲舉充純孝勝曰父

辱子死斯道固然若有覩面目當此舉則是因父買
名一何甚辱拒之而止 裴儉臧眉張仄連名薦糲
教付太常旌舉以上古 甄恬數歲喪父哀感若成

人家入於其小以肉汁和飯飼之不肯食八歲嘗問
其母恨生不識父遂悲泣累日忽若有見言形貌則
其父也 居母喪廬墓側有烏元黃雜色集廬樹恬

哭則嗚哭止則止以上號 韓懷明母病懷明夜於

星下稽顙祈禱母即平復韓懷明傳 宛陵女子與母同

眠母爲猛虎所搏女號叫掣虎行數十里虎毛盡落

虎乃棄之虎字搏字號叫掣虎字棄之 謝蘭五歲

時父未食不先飯舅阮孝緒歎曰此兒在家則吾子

南史識小錄卷十二孝義傳 八

之流事君則蘭生之匪因名曰蘭謝蘭傳 謝貞八歲

爲春日閒居詩從舅王筠曰風定花猶落迨步惠連

矣 十四丁父艱號頓於地絕而復蘇者數矣初貞

父蘭以憂毀卒家人復憂貞從父治族兄暲乃共請

華嚴寺長爪禪師爲貞說法乃少進醴粥 貞母喪

哀毀病篤姚察問視貞曰孤子豈囑所集將隨灰壤

貞病有遺疏告族子凱若依僧家尸隨休法是吾

所願正恐過爲獨異可用薄板周身載以露車覆以

草席坎山次而埋之可三月施小牀設香水卽除之

無益之事勿爲也以上謝 梁簡文以毀不害善事
親賜其母蔡氏錦裙襦瓊席被褥單復單備毀不

司馬鬻母喪毀瘠骨立眼闕梁武見之歎息字其小
字謂其父曰羅兒而顏顛頓使人惻然鬻父亡廬
於墓側日進薄麥粥一升墓在新林舊多猛獸景結
廬豺狼絕迹以上司馬鬻母傳

朱齊陳書補

太守蔡興宗以私米饋會稽郭原平及

山陰朱百年妻教曰秋年之貺者自國書餼貧之典

有聞甲令棲貞虛約以上宋郭原平傳太守王韶之舉

烏程潘綜吳達為孝廉設祖道贈以詩曰東實惟金

南木有喬發輝曾崖棘翰重霄育嗣幽林養音九

皇順彼康夷懿德是好聊申所懷以贈二孝以上潘綜傳

徐耕助官賑貸陳辭探撥存命糴索無所溫

富之家得過儉月所損至罄所濟甚重掘水揚

塵崇益山海以上徐耕傳下天生攻廣陵城推車塞壑

先登詔曰天生始受戎任甫造寇壘投輪越壘卒果

先騰驍壯之氣嘉歎無已下天與傳余齊民民南史作

也越自岷隸行貫生品余齊民唐人避含孝稟義埋名韞節

齊書孝義傳序吳康之妻趙氏父亡弟幼母老病篤值歲

飢趙詣鄉里自賣人憐之分米相救遂得免齊韓靈敏傳

按與南辛普明少與兄同處一帳兄亡以淚施靈

座夏月多蚊普明不以露處見色南史辛普明附隱

逸關康之傳文小

異河伯輿與弟幼輿俱厲節操稱人師以上吳達之傳

周顒與杜栝父京產書賢子學業清標後來之秀杜栝

傳

旌閭變里問儻行牢

齊書

泣血三年絕漿七

日陳書孝

謝貞母喪哀毀徐祚沈客卿見之曰信

哉孝門有孝子

貞遺言吾少罹酷罰傾外蔭朝

廷探拾空薄累致清階

晷漏將盡斂手而歸以上調貞

傳

隱逸傳

道義內足希微兩忘藏景窮巖蔽名愚谷序

陶潛

為鎮軍建威參軍謂親朋曰聊欲紿歌以為三徑之

資可乎執事者聞之以為彰澤令不以家累自隨送

一力給其子曰汝日夕之費自給為難今遣此力助

汝薪水之勞此亦人子也可善遇之

縣有公田悉

南史識小錄

卷十二 隱逸傳

十

令吏種秫稻妻子同請種枕乃使二頃五十畝種林

五十畝種稻郡遣督郵至縣吏白應束帶見之潛

歎曰我不能為五斗米折腰向鄉里小人即日解印

綬去職賦歸去來以遂其志江州刺史王宏欲識

之不能致也潛嘗往廬山宏令潛故人龐通之齎酒

具於半道栗里要之潛有腳疾使一門生二兒舉籃

輦及至欣然便共飲酌俄頃宏至亦無忤也頗延

之為始安郡經過潛每往必酌飲致醉臨去留二萬

錢與潛潛悉送酒家稍就取酒嘗九月九日無酒

出宅邊菊叢中坐久之逢宏送酒至即便就酌醉而

後歸潛不解音律而畜素琴一張宋書有無酒適

輒撫弄以寄其意。貴賤造之者有酒輒設。潛若先醉便語客我醉欲眠。卿可去。其真率如此。郡將候潛逢其酒熟。取頭上芻巾漉酒。畢還復著之。潛與子書。少來好書。偶愛閑靜。開卷自得。便欣然忘食。見樹木交蔭。時鳥變聲。亦復歡爾。有喜嘗言。五六月北窗下臥。遇涼風。暫至。自謂是羲皇上人。又嘗感孺仲賢妻之言。敗絮自擁。何慙兒子。又汝輩幼小家。貧無役柴水之勞。何時可免。潛妻翟氏志趣亦同。能安苦節。夫耕於前。妻鋤於後。云。武帝辟宗少文爲主簿。不起。問其故。答曰。棲邱飲谷。三十餘年。少文好山水。愛遠遊。西陟荆巫。南登衡嶽。因結宇衡山。南史識小錄。卷十二。隱逸傳。十一。

懷尚平之志。有疾還江陵。歎曰。老疾俱至。名山恐難徧覩。惟澄懷觀道。臥以遊之。凡所遊履。皆圖之於室。謂之撫琴動操。欲令衆山皆響。古有金石弄爲諸

桓所重。桓氏亡。其聲遂絕。唯少文傳焉。文帝遣樂師

就受之。以上宗少文傳。宋書宗炳字少文。宗測少靜。退不樂人問

歎曰。家貧親老。不擇官而仕。先哲以爲美談。余竊有

惑誠不能潛感。地金冥致。江鯉但常用天之道。分地

之利。孰能食人厚祿。憂人重事乎。豫章王嶷徵測

爲參軍。不起。測答府云。何爲謬傷海鳥。橫斤山木。

嶷復遣書辟之。測答曰。性同鱗羽。愛止山壑。眷戀松

雲。縱宕巖流。魚復侯子響爲江州厚遣。贈遺測曰。

少有狂疾。尋山采藥。遠來至此。量腹而進。松朮度形。而衣薜蘿。淡然已足。豈容當此橫施。侍中王秀之

彌所欽慕。乃令陸探微畫其形。與已相對。又貽書曰。昔人有圖畫。僑札輕以自方耳。王儉亦雅重之。贈

以蒲褥。筍席。

以上宗測傳

沈道度見有人竊其園菜。乃

自逃。隱待竊者取足去。後乃出。又有入拔其屋後筍

令人止之曰。惜此筍。欲令成林。更有佳者。相與乃令

人買大筍送與之。

沈道度傳

孔澹之與戴顓。王宏之王

敬宏等共爲人外之遊。敬宏以女適澹之子。尚遂

以烏羊繫所乘車轅。提壺爲禮。或怪其如此。答曰。罔

亦農夫田父之禮也。會稽太守謝方明苦要之不

南史識小錄

卷十二

隱逸傳

十一

能致使謂曰。苟不入吾郡。何爲入吾郭。澹之笑曰。潛

游者不識其水。巢棲者非辨其林。飛沈所至。何問其

主。

以上孔澹之傳

劉凝之推家財與弟及兄子。立屋於野

外。非其力不食。妻梁州刺史郭銓女也。亦能不慕榮

華。與凝之共居。儉苦。夫妻共乘薄策車。出市買易。

凝之傳

朱百年少有高情。攜妻孔氏入會稽南山。伐藥

採若。爲業以藥。若置道頭。輒爲行人所取。明旦亦復

如此。人稍怪之。積久方知。是朱隱士所賣。須者隨其

所取。多少留錢取藥。若而去。

朱百年傳

顏延之與當時

名士。許人入山候關。康之見其散髮被黃布。屨席

松葉。枕一塊白石。而臥。了不相眄。延之等各嗟而退。

不敢干也。辛酉明僑居會稽會稽士子高其行當

葬兄皆送金為贈後至者不復受人問其故答曰本

以兄墓不周故不逆親友之意今實已足豈可利亡

者餘贈邪。以上闕褚伯玉隱荆淥布山在山三十

餘年隔絕人物王僧達為吳郡苦禮致之伯玉不得

已停郡信宿纔交數言而退甯朔將軍邱珍孫與僧

達書曰聞褚先生出居貴館此子滅景雲棲抗高木

食有年載矣自非折節好賢何以致之昔文舉棲冶

城安道入昌門於茲而三焉卻絃之士殫霞之人當

遂其高步望其還策之日暫紆清塵僧達答曰褚先

生從白雲遊舊矣此子索然唯朋松石介於孤峯絕

南史識小錄卷十二蕭逆傳 三

嶺者積數斗載近故要其來此冀慰日夜比談討芝

桂借訪薜蘿若已窺煙液臨滄洲矣。褚伯玉傳 顧歡年

六七歲知推六甲父使田中驅雀歡作黃雀賦而

歸雀食稻過半父欲撻之見賦乃止鄉中有學舍

歡貧無以受業於舍壁後倚聽無遺忘者夕則然松

節讀書或然糠自照歡早孤讀詩至哀哀父母輒

執書慟泣由是受學者廢蓼莪篇不復講焉歡隱

天台山每旦出戶山鳥集其掌取食歡夷夏論道

經云老子入關之天竺維衛國國王夫人名曰淨妙

老子因其書寢乘日精入淨妙口中後年四月八日

夜半時剖右腋而生墜地即行七步於是佛道興焉

此出元妙內篇佛經云釋迦成佛有塵劫之數出法華無量壽或爲國師道士儒林之宗出瑞應本記

端委縉紳諸華之容翦髮曠衣羣夷之服擊跽罄折

候甸之恭狐蹲狗踞荒流之肅棺殯榔葬中夏之風

火焚水沈西戎之俗全形守禮繼善之教毀貌易性

絕惡之學鳥王獸長往往是佛屢見刻舂沙門

守株道士交諍小火互相彈射佛號正真道稱正

一一歸無死真會無生在名則反在實則合踴夷

之儀婁羅之辯各出彼俗自相聆解猶蟲躍鳥聒似

常從齊書作囉何足述效歡雖同二法而意黨道教袁粲

駁之曰仙化以變形爲上泥洹以陶神爲先變形者

白首還縮而未能無死陶神者使塵惑日損湛然常

存歡答曰神仙有死權便之說神仙二十七品仙變

成真真變成神或謂之聖各有九品品極則入空寂

無爲無名若服食茹芝延壽萬億壽盡則死藥極則

枯此修考之士非神仙之流也廬度有道術隱居

廬陵西昌三顧山鳥獸隨之夜有鹿觸其壁度曰汝

壞我壁鹿應聲去屋前有池養魚皆名呼之次第來

取食乃去以上顧徽傳王僧虔稱孔祐曰行動幽祇德

標松桂會稽鍾山有人姓蔡不知名養鼠數千頭

呼來即來遣去則去杜京座世傳五斗米道以上杜京

傳臧榮緒傳愛五經謂人曰昔呂尚奉丹書武王

致齋降位李釋教誠並有禮敬之儀因甄明至道著
拜五經序論常以宣尼庚子日生其日陳五經拜之
臧榮緒傳 吳苞聚徒教學冠黃葛巾竹塵尾 趙僧巖

寥廓無常人莫能測後忽爲沙門棲遲山谷常以一
壺自隨一旦謂弟子曰吾今夕當死壺中大錢一千
以通九泉之路蠟燭一挺以照七尺之尸至夜而亡

蔡蒼清抗不與俗人交李塈謂江敦曰古人稱安

貧清白曰夷澗而不謂曰白如蔡休明者可不謂之

夷白乎以上吳也傳 徐伯珍少孤貧學書無紙常以竹

箭箬葉甘蔗及地上學書 伯珍宅南九里有高山

班固謂之九巖山後漢龍邱萇隱處也山多龍鬚檀

南史識小錄 卷十二 葛逸傳

五

柏望之五采世呼爲婦人巖伯珍移居之階戶之間

木生連理門前生梓樹一年便合抱館東石壁夜有

赤光洞照白鶴一雙棲其戶牖以上徐伯珍傳 沈麟士居

貧織簾誦書口手不息鄉里號爲織簾先生 麟士

無所營求以篤學爲務恆憑素几鼓素琴讀書不倦

製黑蝶賦以寄意以上沈麟士傳 麟齊書作麟 阮孝緒出繼從

伯胤之亂之母周氏卒遺財百萬應歸孝緒孝緒一

無所納盡以歸胤之姊乳人憐其傳重辛苦輒竊玉

羊金獸等物與之孝緒送還姊 孝緒外兄王晏貴

顯屢至其門孝緒度其必敗聞其流管穿籬逃匿不

與相見曾食醬美問之云是王家所得便吐餐覆醬

及晏誅親戚爲之懼。孝緒曰：親而不黨，何坐之及？竟獲免。
一鹿狀竹 孝緒以一鹿牀爲精舍，以樹環繞。梁書云：所居室，准有一樹環繞。 孝緒母病，須得生人，獲舊傳鍾山所出。

遂滅，就視果獲此阜。南平王偉聞其名，致書要之。

孝緒不赴，曰：非志驕富貴，但性畏廟堂。若使麀麀可
駟，何以異夫？驥騶 以上阮孝緒傳 南嶽鄧先生，即隱居衡

山極峻之嶺，立小板屋兩間，足不下山，斷穀三十餘
載，惟以澗水服雲母，屑白日神。仙魏夫人忽來，臨降

乘雲而至，從少嫗三十，並著絳紫羅繡，往焉。年皆可
十七八，許色豔桃李，質勝瓊瑤。謂郁曰：君有仙分，故

南史識小錄 卷十二 隱逸傳 六

來尋當相候。至天監十四年，見二青鳥如鶴，大鳴舞

移晷，方去。謂弟子曰：青鳥既來，期會至矣。無病而終。
鄧郁傳 陶宏景年十歲，得葛洪神仙傳，晝夜研尋，便

有養生之志。謂人曰：仰青雲，翫白日，不覺爲遠矣。
永明十年，脫朝服，挂神武門，上表辭祿，敕所在月給

茯苓五斤，白蜜二升，以供服餌。宏景止於句容之
句曲山，曰：此山下是第八洞宮，名金陵華陽之天。梁

書作 昔漢有咸陽三茅君，得道來掌此山，故謂之茅
山。乃中山立館，自號華陽陶隱居。人問書札，卽以隱

居代名。永元初，更築三層樓。宏景處其上，弟子居
其中，賓客至其下，輿物遂絕。唯一家僮，得至其所。

宏景本便馬善射晚皆不爲唯聽吹笙而已特愛松
風庭院皆植松每聞其響欣然爲樂梁武手敕召
之錫以鹿皮巾屨加禮聘不出惟畫作兩牛一牛散
放水草之間一牛著金籠頭有人執繩以杖驅之帝

笑曰此人欲斃曳尾之龜豈有可致之理善辭穀

導引之法年逾八十而有壯容仙書云跟方者壽千

歲宏景末年眼有時而方以上陶宏景傳庾詵性託夷

簡特愛林泉十畝之宅山池居半陳說張孝秀常

冠穀皮巾躡蒲履手執并闔皮麈尾服寒食散盛冬

臥於石上張孝秀傳馬樞嘗歎曰吾聞貴爵位者以巢

由爲狂狷愛山林者以伊呂爲管庫東名實則芻芥

南史識小錄卷十二馬逸傳

七

柱下之言翫清虛則練氍席上之說史樞目晴洞黃

能視闔中物有白燕一雙巢庭樹馴狎欄無几案

春來秋去幾三十年以上馬樞傳巖壑閑遠水石清華

簡雖復崇門八襲高城萬雉莫不蒼壤開泉髣髴林

澤故知松山桂落非止素玩碧澗清潭翻成麗矚以上

論

本史補隱避紛紜情迹萬品百含貞養素仕不求

聞退不譏俗一全身幽履服道儒門跡道跡江湖之

上藏名巖石之下以上陶潛宅邊有五柳樹著五

柳先生傳以自况陶所著文章皆題年月義熙以前

明書晉氏年號自永初以來惟云甲子而已以上陶潛傳

貫敘門次。顯擢才能。宗少文妻羅氏亦有高情。

與少文協趣。以上宗少文傳宗測欲游名山寫祖少文所作尚子平圖於壁上。宗測傳武康沈道虔居縣北石

山下孫恩亂後縣令庾肅之迎出縣南廢頭里為立

宅臨溪有山水之玩。道虔年老菜食恆無經日之

資。以上沈道虔傳孔清之好山水每游必窮其幽峻或旬

日忘歸嘗游山遇沙門釋法崇因留共止遂停三載

孔清周續之受業於范甯通五經五緯號曰十經

之傳。名冠同門稱為顏子。續之入廬山事沙門釋慧遠

與劉遺人陶深明。民作人淵作深唐入避諱稱尋陽三隱。以上周續之傳

戴顓譙郡人會稽剡縣多名山故世居剡下。顓

南史識小錄卷十二戴顓傳六

及兄勃並受琴於父父沒所傳之聲不忍復奏各造

新弄。勃制五部。顓制十五部。顓又制長弄一部。中

書令王綬造之。勃等方進豆粥。綬曰聞卿善琴試欲

一聽不答。出居吳下。吳下土人共為菜室聚石引

水植林開澗。衡陽王義季鎮京口迎顓止黃鵠山北

竹林精舍。林澗甚美。顓憩於此澗為義季鼓琴並新

聲變曲其三。調游絃廣。陵止息之流皆與世異。文

帝嘗謂張敷曰吾東巡之日當宴戴公山下也。以其

好音長給正聲伎一部。顓述莊周大旨著逍遙論。

宋世子鑄又六銅佛於瓦官寺既成面恨瘦工人

不能改。顓曰非面瘦乃臂胛肥。兀及滅臂胛瘦患亦

除以上戴顒傳

翟法賜立室廬山頂以獸皮及結草為

衣翟法傳

雷次宗宋元嘉時徵至都開館於雞籠山

聚徒教授時國子學與元學史學文學凡四學並建

後又徵至都為築室於鍾山西巖下謂之招隱館

以上雷次宗傳

臨川衡陽二王遣使存問劉凝之答書頓

首稱僕人或譏焉凝之曰昔老萊向楚王稱僕巖陵

亦抗禮光武未聞巢由稱臣堯舜以上劉凝之傳攜妻子隱衡山

之陽登高嶺絕人迹為小屋居之以上劉凝之傳龔祈風

姿端雅范述見之歎曰荆楚之仙人也龔祈風傳朱百

年攜妻孔氏入會稽南山遇寒雪糞若不售無以自

資輒自榜船送妻還孔氏天晴迎之百年言元理

南史識小錄

卷十二 隱逸傳

五

為詩詠往往有高勝之言百年母以冬月亡衣並

無絮自此不衣絺帛嘗寒時就孔頭宿飲酒醉眠頭

以臥具覆之百年不覺也既覺引臥具去體謂頭曰

絺定奇溫因流涕悲慟以上朱百年傳樓惠明有道術居

余華山舊多毒害自惠明居之無復辛螫之苦關康之傳

昔漁父不知何許人孫緇為尋陽太守落日逍遙渚

際見一輕舟陵波隱顯俄而漁父至神韻瀟灑垂綸

長嘯緇問有魚賣乎笑而答曰其釣非釣甯賣魚者

邪緇益怪焉遂褰裳涉水謂日方今王道文明隱鱗

之士靡然向風子何晦用其若是也漁父曰僕山海

狂人不達世務未辨賤貧無論榮貴乃歌曰竹竿籬

籀。河水激激。相忘爲樂。貪餌吞鈞。非夷非惠。聊以忘憂。於是攸然鼓棹而去。漁父傳 褚伯玉不就徵聘。齊

高帝敕於剡。白石山立。太平館居之。褚伯玉傳 顧歡通

數術。弟子鮑靈。綬門前大樹。上有精魅。數見影。歡印

樹。樹卽枯死。山陰白石村多邪病。歡往村中。規地

作塚。有頃。見狐狸。鼯鼯自入。獄中卽命殺之。病者皆

愈。又有病邪者。歡問冢有何書。曰。惟有孝經。歡曰。

可取。仲尼居。置病人枕邊。恭敬之。自差也。果愈。人問

其故。曰。善釀惡。正勝邪。此病者所以差也。就齊高

帝徵稱山谷臣。歌東歸。上賜塵尾。素琴。夷夏論

佛非東華之道。道非西夷之法。魚鳥異川。永不相關。

南史識小錄卷十二隱逸傳 張融一本作融作門律云。道之與佛。逗極無二。昔有鴻

飛。天首積遠。難亮。越人以為鳧。楚人以為乙。人自楚

越。鴻常一耳。歡將終賦。詩曰。五塗無恆宅。三清有

常舍。精氣因天行。游魂隨物化。卒時體香軟。道家謂

之仙化焉。虛度少隨。張永侵魏。永敗。魏人追急。阻

淮水。不得過度。心誓曰。若得免死。從今不復殺生。須

臾見雨。檐流來。接之得過。以上顧歡傳 孔祐隱於四明

山。嘗見山谷中有數百斛錢。采樵者競取。入手卽成

沙礫。杜京產傳 臧榮緒自號被褐先生。被南史作披從齊書 榮

緒與關康之號京口二隱。以上臧榮緒傳 山水漂溺宅舍

村鄰皆奔走。徐伯珍累牀而坐。誦書不輟。伯珍兄

弟四人白首相對時人呼爲四皓。以上徐伯珍傳沈麟士

嘗行路鄰人認其所著屐麟士曰是卿屐邪卽跪而

反鄰人得屐送前者還之麟士曰非卿屐邪笑而受

之或勸之仕答曰魚懸獸檻天下一契麟士隱

居餘于吳差山講經教授從學數十百人各營屋宇

依止其側時爲之語曰差山中有賢士開門教授居

成市張永爲吳興請麟士入郡麟士聞郡後堂有

好山水卽戴安道游吳興因古臺爲山池也欲一觀

之乃往停數月永欲請爲功曹麟士曰必欲飾混沌

以蛾眉冠越客於文冕有蹈東海死耳不忍受此黔

劓麟士遭火燒書年過八十五目聰明抄寫火下

南史識小錄卷十一 隱逸傳 三

細書火齊書復成二三千卷以上沈麟士傳阮孝緒十五

冠而見其父父勗之答曰願迹松子於瀛海追許由

於穹谷庶保促生以免塵累自是屏居一室家人莫

見其面親友呼爲居士孝緒貧無以爨撤屋而炊

御史中丞任昉欲造而不敢望而歎曰其室雖邈

其人則遠自是欽慕風譽者莫不懷刺斂衽望塵而

息孝緒隨父官湘州不書官紙以成父清白孝

緒著高隱傳上自炎皇終於天監末分爲三品言行

超逸名氏弗傳爲上篇始終不耗姓名可錄爲中篇

挂冠人世棲心塵表爲下篇孝緒所供養石像先

有損壞心欲補之罄心敬禮一夜忽然完復以上阮孝緒傳

鄧郁爲梁武合丹帝不敢服起五獄樓貯之鄧郁傳

陶宏景母夢兩天人手執香鑪來至其所而有娠

宏景年四五歲以荻爲筆畫灰中學書 宏景朗

目疏眉長額聳耳耳孔各有十餘毛出外二寸許右

膝有數十黑子作七星文 讀書萬餘卷一事不知

以爲深恥 未弱冠除奉朝請雖在朱門閉影不交

外物 性愛山水謂門人曰吾見朱門廣廈雖識其

華樂而無欲往之心望高巖瞰大澤知難立止恆欲

就之 宏景心如明鏡遇物便了言無煩舛有亦隨

覺 宏景旣得神符秘訣以爲神丹可成而苦無藥

物帝給黃金朱砂曾青雄黃等八合飛丹色如霜雪服

南史識小錄 卷十一 隱逸傳 三

之體輕 帝每得其書燒香虔受 國中大事無不

諮詢時人謂爲山中宰相 曾夢佛授其菩提記云

名爲勝力菩薩乃詣鄧縣阿育王塔自誓受五大戒

簡文臨南徐州召至後堂以爲巾進見 獻武帝

二丹一名善勝一名成勝 自知應逝爲告逝詩

遺令著冠巾法服左肘錄鈴右肘藥鈴佩符絡左腋

下繞腰穿環結於前釵符於髻 上通以大袈裟覆衾

蒙手足 釋寶誌出入鍾山往來都邑被髮徒跣或

被錦袍飲啖同於凡俗恆以鏡銅剪刀鑷屬拄杖負

之而趨一日中分身易所 蔡仲熊問仕何所至直

解杖頭左索繩與之後至尙書左丞方知言驗 雖

剃鬚髮而常冠下裙帽納袍故俗呼爲誌公好爲

識記所謂誌公符是也高麗聞之遣使齎綿絹供養

以上陶宏景傳

劉慧斐於匡山北構園一所號離垢園人

稱離垢先生慧斐游匡山與處士張孝秀相得在

山晝夜行道論者云白遠法師沒後將二百年始有

張劉之盛以上劉慧斐傳

范元琰見人盜其菘遽退走母

問其故以實答母問盜者誰答曰向所以退畏其愧

恥今敢其名願不泄也有涉溝盜其筍者因伐木爲

橋以度之自是盜者大慙一鄉無復草竊范元琰傳

庾

詵宅遇火止出書數篋坐於池上有爲火來者答云

惟恐損竹

晚年遵釋教宅內立道場禮懺六時不

南史識小錄

卷十二隱逸傳

三

輟夜中忽見一道人自稱願公呼詵爲上行先生授

香而去卒時曰願公復來舉室聞空中唱上行先生

已生彌陀淨域矣

梁元帝在荊州庾曼倩爲中錄

事每出帝常目送之謂劉之遴曰荆南信多君子

以上庾詵傳鄱陽王恢爲南徐州刺史卑辭厚意邀致馬

樞別築室以處之樞惡其崇麗乃於竹林間自營茅

茨而居樞少屬亂離凡所居之處盜賊不入依託

者常數百家

以上馬樞傳

獨往之人稟偏介之性不能

摧志屈道借譽期通若使遇見信之主逢時來之運

豈其放情江海取逸邱樊不得已而然故也

論

宋齊梁書補

巢父是見稱之號襄公有可傳之迹此

荷篠之隱而非賢人之隱也身隱稱隱者道隱曰賢人夷心俗表者蓋逸而非隱以上宋書南陽宗

炳鴈門周續之植操幽棲無悶巾褐宗居士清履

肥素宗炳傳明揚之旨潛惑穹谷馬續之思學鉤

深心無近事仁心內發義懷外亮留愛昆卉昆

作崑四庫考證云當作昆謂昆蟲也以上周續之傳翟法賜隱廬山違避

徵聘遁跡幽深尋陽太守鄧文子表曰如遁以王憲

束以嚴科馳山獵草以期禽獲慮致顛殞有傷盛化

翟法賜傳淵明命子詩述祖德云鳳隱于林幽人在邱

參誓山河啟土開封渾渾長源蔚蔚洪柯顧

慙華鬢負景隻立日居月諸漸免于孩以上陶潛傳

南史識小錄卷十二慧是傳雷次宗與子姪書吾為性好閑志棲物表洗氣神

明玩心墳典山水之好悟言之歡足以通理輔性

游道餐風崦嶮將迫前途幾何遠想尚子五岳

之舉近測居室瑣瑣之勤棲誠來生之津梁專氣

暮年之攝養詔曰宜加升引以旌退素以上雷次宗傳

世祖詔廉約貞遠自足泉畝王素傳巡行大使陸子

眞薦關康之業履恆貞操勗清固行信闈黨譽延邦

邑關康之傳激競違貪齊書高逸傳序顧歡上表舉綱提綱

振裘持領綱領既理毛目白張窮谷愚夫敢露偏

管自足雲霞不須祿養劉思効表儲無半菽

詔曰佇夢巖濱垂精管庫顧歡劉思効並獻書金

門薦辭鳳闕。以上顧歡傳所著晉史亦足彌綸一代榮

緒劉虬答竟陵王子良書虬進不研幾入元退不

愛心出累劉虬傳孔稚圭等薦杜京產表葺宇窮巖

采芝幽澗耦耕自足蕪歌有餘麻衣藿食宜釋

中幽谷結組登朝則岳谷含懼葺蘿起怍矣以上杜京產傳

沈約薦表懷書而耕白首無倦挾琴采蕪行歌不

輟長兄早卒孤姪數四攝厄鞠稚吞苦推甘霜

操日嚴服道槐掖以上沈麟士傳樓惠明有道術居金

華山毒螫禽獸避之徐伯珍傳顧歡論夷夏優老而劣

釋夫佛法者淵源浩博無始無邊真大士之立言也

儒家之教仁義禮樂憲章祖述今則慈悲為本常樂

南史識小錄卷十二應道傳五

為宗樹以前因報以後果業行交酬連環相襲陰陽

之教占氣步景今則耳眼洞達心智他通身為奎井

豈俟甘石法家之教禁姦止邪今則十惡所墜五及

無間刀樹劒山焦湯猛火造受自貽罔或差貳墨家

之教磨暉滅頂今則膚同斷瓠目如井星授子捐妻

在鷹庇鴿從橫之教所貴權謀今則一音萬解無待

戶說四辨三會咸得吾師雜家之教兼有儒墨今則

五時所宣於何不盡農家之教善相五事以菽九穀

今則鬱單硬稻已異閭浮生天果報自然飲食道家

之教執一虛無得性亡情凝神勿擾今則波若無照

萬法皆空豈有道之可名甯餘一之可得道本虛

無非由學至絕聖棄智已成有為佛則不然轉暗成明梯思入聖途雖遠而可踐業雖曠而有期身才

高妙鬱滯而靡達器思庸鹵富厚以終生業有不定

著自經文三報開宗斯疑頓曉以上齊史臣論惟茲潛隱

棄鱗養角又贊高祖手詔坐修竹臨清池忘今語古

何其樂也且每思相見勞甚由阿世又詔何點居貞

物表縱心塵外又又救其弟肩曰弱冠拂衣華首一

操以上梁書何點傳高祖與何肩書若邪擅美東區悟

言素對用成睽闕與曳裾儒肆又救世道澆暮

載盈夢想理舟虛席所望惠然申其宿抱以上何肩傳

太守謝朓教曰昔長孫東組降龍邱之節文舉北輜

兩史識小錄卷十二晉逸傳三

高通德之稱懷珠韜玉以上諸葛璩傳劉歊幼時有一

老公至門謂曰心力勇猛能精死生按南史能精作必破劉歊傳

言世祖在荊州辟庾曼倩為主簿謂劉之遜曰賞德

標奇未過此子庾詵傳其進也光寵夷易其退也苦

節艱貞心遺榮好遁以上梁書蕭詠素於羅山築

室蕭詠素傳比夫懷祿耽寵婆娑入世則殊開免論

南史識小錄卷十二終

天津圖書館藏書

天津圖書館藏書

南史識小錄卷十二終

